


說文解字義林

卷四
第三冊

ホ 4
2178
3



門外生
號 2178
卷 3

說文解字第一

義證第四

曲阜桂馥學



芰

芰也從艸凌聲楚謂之芰秦謂之薹

薹者

芰也者釋草凌藪據郭云今水中菱王安貧武陵記兩角日菱三角四角曰芰通謂之水栗漢書司馬相如傳嚼菱藕張揖曰芰花黃白而葉綠故反離騷云矜芰茄之綠衣吳仁傑曰菱花黃白而葉綠故反離騷云矜芰茄之綠衣尚書大傳鉅野注云菱廣志鉅野大菱大於常菱淮漢以南荒年以菱為蔬羅浮山記級寧縣元龜淵中出菱甚為甘旨寰宇記漢陽軍出菱仁內則芝栢菱棋注云菱芰也周禮遷人加籩之實菱芡棗脯注云菱或疊舸折制孟秋之祭菱芡水經注澆水云或單舟采菱或疊舸折楚人名菱曰芰可食國語屈到所嗜俗云菱角是也孫楚論屈建文加籩之品菱芡存焉楚多陂塘菱所生父自嗜之而抑案幸祝既毀就養無方之禮又失奉外如生之義奪乎素欲建何忍焉秦謂之薹若者廣雅薹菱薹芡也

說文解字義證

卷四

一

早稻田大學圖書館
31.1.14
藏書

離騷製芰荷以為衣兮王注芰蒹也秦人曰薜荔西陽雜俎芰一名木栗一名薜荔

𦉳

司馬相如說菱從遴

𦉳

菱也從艸支聲奇記

菱也者楚語屈到嗜菱韋注菱菱也名醫別錄菱實一名菱

𦉳

杜林說菱從多

菱從多者多聲也易无祇悔九家本祇作多襄二十九年左傳多見疏也服虔本多作祇論語多見其不知量也疏云古人多祇同音本書移移竝從多聲

𦉳

薜荔也從艸解聲胡買切

薜荔也者釋草薜荔其光郭云英明也或曰菱也關西謂之薜荔本書菱秦謂之薜荔

𦉳

薜荔也從艸后聲胡口切

𦉳

雞頭也從艸欠聲

巨險切

周禮籩人加籩之實菱芡棗脯大司徒土會之法川澤其植物宜膏物鄭注膏當為棗蓮芡之實有棗韜蘇轍詩芡葉芥末南方枯旱掘芡而食注云芡水草實也蘇轍詩芡葉初生縹如穀南風吹開輪轉穀苞青刺攢蝟毛水面放花波裏熟森然赤手初莫近誰料明珠藏滿腹寰宇記漢陽軍出芡仁

雞頭也者方言芡芡雞頭也北燕謂之葭青徐淮泗之閒謂之芡南楚江湖之閒謂之雞頭或謂之鴨頭或謂之烏頭齊民要術芡一名雞頭即今芡子是也由于形上花似雞冠故名曰雞頭古今注芡雞頭也一名芡頭一名芡葉似荷而大葉上蹙紐如沸實有荻刺其裏如珠可以療飢止渴本草雞頭實一名鴨頭實一名芡陶云此即今芡子莖上花似雞冠故曰雞頭蜀圖經云生水田中葉大如荷皺而有刺花子若拳大形似雞頭實若石楸皮青黑肉白如芡米也莊子徐無鬼篇雞頭文云司馬云即雞頭也一名芡與藕子合為散服之延年呂氏春秋恃君篇夏日則食芡芡注云芡雞頭也一名鴨頭淮南說山訓雞頭已瘦高注雞畜果實菱芡顏云芡雞頭淮南說山訓雞頭已瘦高注雞

頭水

中茨

日精也似秋華從艸籀省聲

居六

篆當作菊夏小正九月榮鞠傳云鞠草也月令鞠有黃華蔡氏章句云菊草名也黃華者土氣之所成也周書時訓解菊無黃花土不稼穡楚詞離騷夕餐秋菊之落英案魏文帝與鍾繇書芳菊含乾坤之純和體芬芳之淑氣故屈原悲再冉之將老思登秋菊之落英輔體延年莫斯之貴盛宏之荆州記菊水出穰縣芳菊被水極甘香谷中皆飲此水南歸恆飲此水後疾遂愈此菊甘美廣收菊實播之京師處處傳植風俗通南陽鄧縣有甘谷水甘美云其山上有大菊水從山上流下得其滋液谷中有三十餘家不穿井悉飲此水上壽百二十三中百餘下七八十者名之為天菊花輕身益氣令人堅彊故也鍾會菊花賦夫菊有五美焉黃花高懸準天極也純黃不雜后土色也早植晚登君子德也冒霜吐穎象勁直也疏中輕體神仙也

更生其菊有兩種一種紫莖氣香而味甘美葉可作羹為真菊一種青莖而大作蒿艾氣味苦不堪食名慧非真菊也日華子菊有兩種花大氣香莖紫者為甘菊花此日精也花小氣烈莖青味苦為野菊花其花相似惟以甘苦別之其葉可羹其花相似直以甘苦別之實可仙抱朴子僂藥篇菊花與慧花相似直以甘苦別之實可仙抱朴子僂藥所謂苦如慧者也今所在有菊但真為少目率多生於水側綴氏與酈縣最多僂方所謂日精更生周盈皆一菊而根莖花實之名異也郭璞爾雅圖贊菊名曰精布華元月以秋而敷榮也籀省其字從言但誤革旁作巨楚辭九歌春蘭兮秋鞠其字從言但誤革旁作巨

籀或省者當作

籀謂省言也

爵麥也從艸侖聲

以勺

爵麥也者釋草文彼作雀郭云即燕麥也徐鍇曰漢魏以前雀字多作爵假借也本草雀麥一名藟一名藟麥生故

墟野林下葉似麥行義云雀麥今謂之鸞麥其苗與麥同但細長而疏唐劉夢得所謂菟葵鸞麥動搖春風者也海錄碎事鸞麥草似麥亦曰雀麥古歌田中兔絲何嘗可絡道邊鸞麥何嘗可穫北史邢邵傳國子雖有學官之名而無效授之實何異兔絲鸞麥南箕北斗哉

𦰇

牡茅也從艸遯聲遯籀文速

桑谷切

牡茅也者釋草文郭云白茅屬邢疏牡茅茅之不實者馥謂牡茅猶牡菊也 遯籀文速者徐鉉加之徐錯本無

𦰇

茅秀也從艸私聲

息夷切

茅秀也者漢諱秀周禮注作莠本書亦應有借字廣雅荈菘茅穗也通志茅之花曰茅秀詩出其東門有女如茶箋云茶茅秀既夕記茵著用茶注云茶茅秀也周禮掌茶掌以時聚茶以其喪事鄭注茶茅秀考工記鮑人望而眠之欲其茶白也注云當如茅秀之色釋文秀音西又音秀吳語皆白常白旂素甲白羽之煇望之如茶注云茶茅秀也漢書禮樂志顏如茶應劭曰茶野菅白華也馥案廣雅荈荈即茶集韻荈亦作荈古作茶

𦰇

韞之未秀者從艸兼聲

古恬切

詩兼葭蒼蒼陸疏兼水草也堅實牛倉之令牛肥強青徐州人謂之兼兗州遼東通語也 史記司馬相如傳其卑淫則生葭葭兼葭索隱孟康云兼葭似蘆也郭璞云兼葭也似韞而細小江東人呼為兼蒿 韞之未秀者夏小正傳云韞未秀為葭本書以葭為韞初生兼為未秀小異

𦰇

𦰇也從艸亂聲八月亂為葦也

五患切

本書韞亂也 詩碩人釋文亂江東呼之為亂 𦰇也者本書刻一日亂 八月亂為葦也者詩行葦方苞方體箋云體成形也正義成形者謂至秋乃成爲葦此時未成故言方以方爲未至之辭葦之初生其名爲葦稍大爲蘆長成乃名葦八月葦葦是其事也

𦰇

𦰇之初生一日亂一日離從艸剡聲

土敢切

詩葭莢揭揭陸疏葭一名亂或謂之荻至秋堅成則謂之葦其初生三月中其心挺出其下本大如箸上銳而細揚州

昌蒲也從艸印聲益州生

昌蒲也者廣雅印昌陽菖蒲也本草昌蒲久服輕身不忘
延年不老一名昌陽謂石昌蒲紫花者圖經昌蒲葉長一
二尺中心有脊狀如劍無花實史記司馬相如傳穹窟昌
蒲呂氏春秋任地篇冬至後五旬七日菖始生昌者百草
之先生者也注云菖蒲水草也冬至後五十七日而挺
生公食大夫禮醢醢昌本注云昌蒲本菖也劉氏新論殊
好篇文王嗜菖蒲之菖倍三十年左傳響有昌歌杜云昌
歌昌蒲菖正義云周禮醢人朝事之豆其實有昌木麋糈
鄭云昌本昌蒲根切之四寸為菖彼昌本可以為菖知此
昌歌即菖菖蒲也顧炎武曰左傳響有昌歌注曰昌歌
菖蒲菖釋文歌音在感反今考玉篇有歌字祖敢切昌蒲
菖也然則傳之昌歌正合此字淮南說林訓昌羊去蚤蝨
而來蛤竈高注昌羊昌蒲劉氏新論利害篇菖蒲去蚤蝨
而來蚰蜒袁注云菖蒲香草孝經援神契菖蒲益聰山海
經菖蒲一寸九節韓終王與所服馥案抱朴子韓眾服昌
蒲十三年身上生毛日視書萬言皆誦之冬袒不寒神仙
傳王興者陽城人閏中嶽有石上菖蒲一寸九節食之可
以長生故來采之春秋運斗樞玉衡星散為菖蒲遠雅頌

著倡優則玉衡不明菖蒲冠環夢溪筆談香草之類大率
多異名所謂蘭蓀即今菖蒲是也益州生者名醫別錄
菖蒲生上洛池澤及蜀郡嚴道陶云上洛郡屬梁州嚴道
縣在蜀郡馥案滇南多生菖蒲順寧尤多滇本屬益州他
處亦有之南方艸木狀番禹東有潤湖中生菖蒲皆一寸
九節安期生采服仙去但留玉馬焉羅浮山記山中菖蒲
一寸十二節寰宇記菖蒲一寸九節及十節出偃武鄉又
云隴安縣沿山有溪出九節菖蒲又云元年縣鬱山出菖
蒲為仙方所向

芎藭也從艸鄂聲以遮

芎藭也者芎字譌不審作何字芎即茶也廣雅藎菘茅穗
也集韻藎亦作芎古作茶馥謂藎茶聲相近詩有女如荼
當作此芎廣韻增
出藎字尤為俗作

葦華也從艸刀聲徒聊

葦華也者釋草葉葦茶注云即芳又葦蕪芳注云皆芳茶
之別名又葦醜芳注云其類皆有芳秀集韻茶芳也字或

說文解字義證卷四

作茗詩鴟鴞子所捋茶傳云茶萑茗也荀子勸學篇南方有鳥以羽為巢繫之萑茗性云茗葦之秀也夏小正茶萑華之秀顏注漢書茶萑鐘也徐錯云今人取芳以為帶日茗謂高誘淮南注萑苗莸秀幽冀謂之荻茗張掖郡有地名茗萑翟藜類可為帶故稱茗萑王隱晉書庚亥荆茗為箕帚覆案此草高五六尺細如麥稍秀長四五寸有毛色白雲南人呼芳

芳也者檀弓君臨臣喪以巫祝桃茢執戈鄭注茢萑茗可掃不祥玉藻膳於君有葷桃茢於大夫去茢於士去葷鄭注茢菸帶也周禮戎右贊牛耳桃茢鄭注茢帶所以掃不祥又喪祝玉帶則與巫前鄭司農說喪祝與巫以桃厲執戈在玉前釋文云厲音例記作茢黍茗穰也襄二十九

年左傳楚子昭卒襄公在楚楚人使公親襚乃使巫以桃茢先祓殯杜注茢黍穰正義今世所謂茗帶或用蘆穗或用黍穰是二者皆得為之也東京賦巫覡操茢五臣云茢別有梨字此茢則芳也

苗蘭也從艸蘭聲切胡咸

苗蘭也者韻會引徐錯本作芝田苗蘭覆案古今注夫容一名水芝釋草荷芙蓉其華苗蘭詩澤陂有蒲苗皆傳云苗菖荷華也又山有扶蘇隰有荷華傳云荷華扶渠也其華苗菖

苗蘭芙蓉華未發為苗蘭已發為芙蓉從艸蘭聲切徒

苗蘭芙蓉華者徐錯本作夫容一切經音義三引作扶蓉後魏文帝弔比干墓文作扶容廣雅苗蘭芙蓉離騷集芙蓉以為裳王注芙蓉蓮華也漢書司馬相如傳外發夫容陵華應劭曰夫容蓮華也曹植芙蓉賦芙蓉蹇產苗蘭星屬蘇彥芙蓉賦偉芙蓉之苗蘭耀燁燁之丹花未發為苗蘭者本書弓艸木之華未發函然已發為芙蓉者爾雅翼引陸璣詩疏作芙蓉此誤也李巡云芙蓉其總名也華稱夫容

芙蓉之實也從艸連聲切洛賢

芙蓉之實也者芙蓉一切經音義三引作扶渠釋草其實
蓮郭云蓮謂房也又的敷注云即蓮實本草藕實一名蓮
詩澤陂有蒲與蘭箋云蘭當作蓮蓮芙蓉實也陸疏蓮青
裏皮白子爲的五月中生至秋表皮黑的成實或可磨以
爲飯如粟也輕身益氣令人強健周禮司徒其植物宜膏
物注云膏當爲麩蓮芡之實有麩韌漢書司馬相如傳蓮
藕觚盧張揖曰蓮荷之實也其根藕宋書臧質傳逃窟無
倉摘蓮噉之傅亮芙蓉賦披翠蓮而挺數江洪詭荷詩澤
陂有微草能花復能實夏侯湛芙蓉賦綠房翠葉紫
飾紅敷黃螺圓出垂髮散髮纓以金牙點以素珠

𦵏

芙蓉莖從艸加聲

古牙切

芙蓉莖者釋草其莖茄樊光注引詩有蒲與茄錢君大昭
曰詩有蒲與荷毛傳荷芙蓉也鄭箋芙蓉之莖曰荷鄭言
芙蓉莖則鄭本作茄可知陸德明不言毛鄭異字則毛公
亦作茄可知馥案漢書楊雄傳衿芡茄之綠衣兮顏注茄
亦荷字也見張揖古今字詁西京賦帶倒茄於藻井薛綜
注茄藕莖也靈光殿賦圓淵方井反植荷葉醞案風俗通
殿堂象東井形刻作荷菱水物所以厭火也魏都賦綺井
列疏以懸蒂華蓮垂葩以倒披是西京賦之倒茄即倒荷

也

𦵏

芙蓉葉從艸何聲

胡哥切

芙蓉葉者釋草其葉葢釋文衆家竝無此句惟郭有然就
郭本中或復脫此一句亦竝闕讀離騷製芡荷以爲衣兮
注云荷芙蓉也傅亮芙蓉賦汎輕荷以冒沼通鑑臧質逃
於南湖追兵至以荷覆頭詩二矛重喬河上乎逍遙傳云
重喬累荷也釋文荷舊音何謂刻牙頭爲荷葉相重累也
覆案詩隰有荷華毛傳荷華扶渠也古文苑僮約楊氏池
中擔荷注云楊氏池產荷顧啟期婁地記婁門東南有華
墩陂中生千葉蓮花其荷與衆蓮荷無異詩有蒲與荷陸
疏荷芙蓉江東呼荷馥謂此皆以荷芙蓉爲總稱

𦵏

芙蓉本從艸密聲

美必切

芙蓉本者釋草其本密郭云莖下白莠在泥中者

𦵏

芙蓉根從艸水禺聲

五厚切

說文解字義登

卷四

八

芙蓉根者釋草其根藕本書董杜林說萬根周書敷澤竭則蓮藕掘師曠占歲欲雨雨草先生萬是也傅亮芙蓉賦

𦵏

天蒿也從艸龍聲

盧紅切

天蒿也者釋草文詩鄭風隰有游龍毛傳龍紅草也陸疏一名馬蓼葉大而赤白色生水澤中高丈餘玉篇馬藻也管子地員篇其山之淺有龍與席尹知章注龍草名也

𦵏

蒿屬生千歲三百莖易以為數天子著九尺諸侯七

尺大夫五尺士三尺從艸者聲

式脂切

廣雅著者也 易繫辭著之德圓而神鄭注著形圓而可以立變化之數故謂之神 說卦幽贊於神明而生著 周禮籒人上春相筮注云相謂更選擇其著也又大小掌三易之法注云易者揲著變易之數可占者也 月令鬯龜筮注云

策著也 慎子威德篇著龜所以立公言也 秦策襄王謂

龜數策占兆高云策著也 文選卜居詹尹乃端策拂龜五

臣注策著也 史記龜策傳疑策定數灼龜觀兆 漢書張

禹傳擇日絜齋露著顏注著草名筮者所用也 藝文志著書

二十八卷班氏曰著龜者聖人之所用也書曰女則有大疑

謀及卜筮易曰定天下之吉凶成天下之亹亹者莫善於著

龜是故君子將有為也將有行也問焉而以言其受命也如

嚮無有遠近幽深遂知來物非天下之至精其孰能與於此

儀禮疏引郭璞云上有叢蔭著下有千齡蔡復案范筠詠

著詩數奇不可偶性直誰能紆禎祭伏靈異祥雲降濫映龜

策傳間著生滿百莖者其下必有神龜守之其上常有青雲

覆之 寰宇記蔡州貢著草 夢溪筆談揲著之法四十九

著聚之則一而四十九隱于一中散之則四十九而一隱于

四十九中一者道也謂之無則一在謂之有則不可取四十

九者用也靜則歸於一動則惟觀其用一在其闕

而不可取此所謂大衍之數五十其用四十有九

蒿屬者詩下泉浸彼苞著傳云著草也陸疏著似藟蕭青

色科生歸藏著未大於本為上吉蒿未大於本次吉易乾

坤鑿度聖人設卦以用著注云著者揲靈草蒿之類也

本草著生少室山谷圖經云其生如蒿作叢高五六尺一

說文解字義證 卷四

九

本一二十莖至多者三十五莖生便條直所以異於眾蒿也通志著如蒿華如菊生上蔡白龜祠傷生千歲三百莖易以為數者宋本作百莖無三字博物志著千歲而三百莖馥案洪範五行傳著之為言者也百年一本生百莖論衡狀畱篇著生七十歲生一莖七百歲生十莖其說各異未知其審天子著云云者白虎通著龜篇著之為言者也天子著長九尺諸侯七尺大夫五尺士三尺著陽故數奇也史記龜策傳傳曰天下和平王道得而著莖長丈其叢生滿百莖方今世取著者不能中古法度不能得滿百莖長丈者取八十莖已上著長八尺即難得也人民好用卦者取滿六十莖已上長滿六尺者即可用矣

香蒿也從艸臥聲去刃切

唐張皋上疏

香蒿也者本書蒿臣蓬鼓之生

香蒿也詳見蒿下

或從堅者字林作莖詩釋文故本又作莖

蘿莖蒿屬者蘿莖疊韻木書蛾羅也釋草莖蘿郭云今莖蒿也詩菁菁者莪傳云莖蘿蒿也陸疏莖蒿也一名蘿蒿生澤田漸洳之處菜似邪蒿而細科生三月中莖可生食又可烝食香美味頗似萋蒿李時珍曰莖抱根叢生俗謂之抱

蘿莖也從艸羅聲魯何切

蒿屬從艸林聲力稔切

蒿屬者徐鍇曰此即上蘆蒿字亦作此馥案集韻菘或從廩郭注爾雅莖蒿一日蘆蒿廣雅莖蒿蘆蒿也御覽九百九十七引廣志莖蒿蘆蒿也通志蘆蒿先於百草而生本草角蒿唐本注云葉似白蒿花如瞿麥紅赤可愛子似王不留行黑色作角陳藏器云蘆蒿味辛溫煮食之似小薊生高岡宿根先於百草一名莖蒿馥案陸疏謂莖蒿生漸

說文解字義證 卷四

如之處陳氏謂藁蒿生高岡似不同物然詩言在彼中阿在彼中陵則陳說近是

𦵏

牡蒿也從艸𦵏聲

於胃切

牡蒿也者釋草蔚牡蒿郭注無子者詩蓼莪匪莪伊蔚傳云蔚牡蒿也陸疏牡蒿也三月始生七月華似胡麻華而紫赤八月為角角似小豆角銳而長一名馬薪蒿馥案御覽九百九十七引此文云蔚牡蒿牡蒿也似蒿本草馬先蒿一名馬屎蒿唐本注云葉大如荑蔚花紅白色實八月九月熟俗謂虎麻一名馬薪蒿圖經云郭璞注爾雅謂無子者而陸璣云有子二說小異馥案

艾蒿

艾蒿也從艸肱聲

蘇彫切

艾蒿也者詩生民取蕭祭脂傳云取蕭合黍稷臭達牆屋先奠而後熟蕭合馨香也陸疏蕭蒿今人所謂藜蒿者是也或云牛尾蒿似白蒿白葉莖粗科生多者數十莖可作燭有香氣故祭祀以脂熬之為香許慎以為艾蒿非也馥案藜當為藜郊特牲燭蕭合蕭蕭注云蕭藜蒿也周禮甸師祭祀共蕭茅杜子春云蕭香蒿也鬱人疏引王度記士

以蕭庶人以艾中山經棠山其陰多蕭注云蕭蒿雖騷何昔日之芳草今直為此蕭艾也淮南俶真訓膏夏紫芝與蕭艾俱歛漢書禮樂志炳苾蕭李奇曰蕭香蒿也又鼃錯傳萑葦竹蕭顏注蕭蒿也後漢書張衡傳珍蕭艾於重筓兮注云蕭蒿也釋蟲炕蕭蕭郭云食蕭葉玉篇虻食蒿葉匡謬正俗云齊書云太祖曰詩人采蕭蕭即艾也蕭自是香蒿古祭祀所用合脂熬之以享神者艾即今之灸病者名既不同本非一物詩云彼采蕭兮彼采艾兮是也

𦵏

蕭也從艸秋聲

七由切

蕭也者藜蕭聲相近釋草蕭藜郭云即蒿釋文音秋唐石經作藜莊子列御寇篇河上有家貧恃緯蕭而食者釋文云蕭藜蒿也顏氏家訓勉學篇常買藜尺寸折之然明夜讀趙策公宮之垣皆以藜蒿栝楚馥謂藜並當作藜左傳伐雍門之藜是也

𦵏

臭苳也從艸勺聲

胡了切

臭苳也者釋草文郭云生下田苗似龍須而細根如指頭黑色可食廣雅苳苳水芋臭芋也本草臭芋一名藉姑唐

說文解字義證

卷四

十一

本注云烏芋今見此也苗似龍須而細色正青根如指頭大黑色皮厚有毛又有皮薄無毛者田中並生之東觀漢記王莽末南方枯旱羣盜入野澤掘鳧茨食之寰宇記高郵軍進鳧茨粉六書故漢有芍陂蓋以產此得名馥案俗呼地

王萐也從艸滿聲 昨先切

王萐也者釋草文彼作萐王萐郭云王萐也似藜其樹可以為掃箕江東呼之曰落帚

艸也從艸為聲 于鬼切

艸也者未聞其狀服虔左傳注艾獵薦賈之子孫叔敖也高誘呂氏春秋注叔敖遺賈之子未知孰是

艸也從艸尢聲 直深切

艸也者釋草葳寒漿郭云今酸漿草江東呼曰苦葳本草酸漿生荆楚川澤及人家田園中蜀本草云根如菹芹白色絕苦爾雅葳寒漿郭謂苦葳是也衍義云苗如天茄子開小白花結青殼熟則深紅殼中子大如櫻亦紅色腹中

有細子如落蘇之子食之有青草氣此即苦軌也古今注苦葳子有裏馥案葳死聲相近

治牆也從艸鞠聲 居六切

治牆也者釋草文郭云今之秋華菊徐錯本作治牆御覽引風土記作落牆注云落音苔崔寔月令女節女華菊花之名也治牆曰精菊根之名也周處風土記曰精治牆皆菊之花莖別名也生依水邊其華煌煌霜降之時惟此草盛茂九月律中無射俗尚九日而用候時之草也

蔞靡蔓冬也從艸牆聲 賤羊切

中山經條谷之山其草多芍藥蔓冬注云本草經曰蔓冬一名滿冬今作門俗作巨抱朴子仙藥篇或名地門冬或名蔞門冬或名顯棘或名淫羊倉或名管松其生高地根短而味甜氣香者善其生水側下地者葉細似蘊而微黃根長味多苦氣臭者下建康記建康出天門冬極精妙名山畧記蔓山天門冬寰宇記忠州貢麥文冬天文冬本草天門冬一名顯勒唐本注云此有二種苗有刺而澀者無刺而滑者俱是門冬俗云顯棘浣草者互名之也圖經云天門冬

說文解字義登

卷四

七

山薊也者釋草文彼作朮郭云本草云朮一名山薊今朮

似薊而生山中廣雅山薊荒也中山經首山多荒芫郭云
荒山薊也抱朴子仙藥篇朮一名山薊故神農本草經曰必
欲長生常服山精本草朮一名山薊陶云朮乃有兩種白
朮葉大有毛而作極根甜而少膏可作丸散用赤朮葉細
無極根小苦而多膏可作煎用顏氏家訓書證篇案朮葉
其體似薊近世文士遂讀薊為筋
肉之筋以耨地骨用之恐失其義

析莫大薺也從艸冥聲

析莫大薺也者釋草文彼作薺莫郭云薺葉細俗呼之曰
老薺馥案邢疏云似薺葉細是郭注原有似字也錢君大
昕曰史記司馬相如傳則生薺薺苞荔漢書薺作析釋草
析莫說文作析莫馥案廣雅析莫馬辛也亦作薺本草
薺子一名薺薺一名大薺一名馬辛一名大薺主咸陽川
澤及道旁陳藏器云大薺當是薺薺非析莫薺莫大而扁
薺薺細而圓二物殊也而爾雅自有薺薺謂之薺注云實
葉皆似芥一名狗薺大抵二物皆薺類故人多不能細分

乃爾致

莖薺也從艸味聲

莖薺也者釋草文郭云五味也蔓生子叢在莖頭廣雅會
及五味也廣韻五味子藥名五行之精本草五味子一名
會及陶注云出高麗青州冀州其核並似豬腎唐本注云
五味皮肉甘酸核中辛苦都有鹹味此則五味具也其葉
似杏而大蔓生木上子
作房如落葵大如葵子

莖薺也從艸至聲

莖薺也者艸

莖薺也從艸豬聲

莖薺也者徐錯本作艸也杜穀字下徐鉉改為莖薺移莖
下釋木苾莖著周禮註師杜子春讀蘇為苾莖著之苾文
選七發微溲苾莖李善引字
書莖薺草也玉篇莖薺莖莖

說文解字義登

卷四

古

葛

締給艸也從艸曷聲

古達切

締給艸也者本書締細葛也給粗葛也詩彼采葛兮傳云葛所以爲締給也宣八年左傳旱無麻始用葛蕪吳都賦蕪葛升越

葛

葛屬從艸曼聲

無販切

葛屬者釋草拔龍葛郭云似葛蔓生有節江東呼爲龍尾亦謂之虎葛細葉赤莖蘆索楚辭九歌石廡每兮葛蔓蔓

葛

葛屬白華從艸臯聲

古勞切

葛屬白華者玉篇

葛

葛餘也從艸杏聲

何梗切

葛餘也者釋草文彼作接余郭云叢生水中葉圓拄莖端長短隨水深淺江東菹食之詩關雎參差荇菜傳云荇接余也陸疏接余白莖葉紫赤色正圓徑寸餘浮在水上根在水底與水深淺莖大如鈹股上青下白鬻其白莖以苦

酒浸之脆美可案酒顏氏家訓書證篇詩云參差荇菜爾雅云荇菜余也字或爲菴先儒解釋皆云水草圓葉細莖隨水淺深今是水悉有之黃花似蓴江南俗亦呼爲蓴蓴或呼爲荇菜劉芳具有注釋而河北俗人多不識之博士皆以參差者是蓴菜呼人蓴爲人荇亦可笑之甚李時珍曰葉莖一二寸有一缺而形圓如馬蹄者蓴也葉似蓴而稍銳長者荇也爾雅翼陂澤多有今人猶止謂之荇菜非難識也葉亦卷漸開雖圓而稍羨不若蓴之極圓也葉皆隨水高低平浮水上花則出水黃色六出今宛陵陂湖中彌覆頃畝日出照之如金俗名金蓮子狀既似蓴又蓴亦好會民皆以小舟載取以飼豬又可糞田或因是得豬蓴之名顧但非蓴菜耳

菴

菴或從行同

或從行者爾雅釋文云說文作菴

蓴

蓴餘也從艸妾聲

子葉切

蓴

艸也從艸冫聲

古渾切

說文解字義證

卷四

七

艸也者廣韻作菑香
艸也廣雅菑替也

𦵏 魚毒也從艸元聲 愚袁切

中山經首山其陰草多朮芫郭云芫花中藥 史記倉公傳
臨菑女子薄吾病飲以芫華一掃即出燒可數升 范子計
然芫華出三輔 建
康記建康出芫華

魚毒也者釋木文彼云杭魚毒釋文杭音元又作芫急就
篇烏喙附子椒芫華顏注芫華一名魚毒魚者煮之以投
水中魚則死而浮出故以為名其根曰蜀桑其華可以為
藥芫字或作杭爾雅曰杭魚毒郭景純解云大木生南方
皮厚汁赤堪藏卵果此說誤耳其生南方用藏卵果者自
別一杭木乃左思吳都賦所云蘇杭楸櫨者耳非毒魚之
芫也本草芫花一名去水一名毒魚一名吐芫其根名蜀
桑可用毒魚蜀木圖經云苗高二三尺葉似白前及柳葉
根皮黃似桑根正月二月花發紫碧色覆案類篇芫
草名無魚也凡水有此草則無魚馥謂即芫之俗體

𦵏 大苦也從艸需聲 郎丁切

大苦也者釋草文郭云今甘草也蔓延生葉似荷青黃莖
赤有節節有枝相當或云需似地黃馥案郭注與孫炎同
又云需似地黃亦疑不能定詩山有榛隰有苓又云采苓
采苓首陽之巔毛傳俱訓為大苦苓即需也夢溪筆談本
草注引爾雅需大苦注甘草也蔓生葉似荷莖青赤此乃
黃藥也其味極苦故謂之大苦非甘草也馥謂嘉祐圖經
說甘草形狀與爾雅注大異爾雅注與黃藥合不當言即
甘草然則以需為甘草始於孫炎而郭沿其誤也本書甘
草自作昔字沈存中
之說可以定羣疑矣

𦵏 稊矣也從艸稊聲 大兮切

稊矣也者釋草稊矣郭云稊似稗布地生穢草馥案郭意
稊一名矣與本書稊矣連文異本書無稊字韻會引作梯
馨玉篇亦
從木作梯

𦵏 稊矣也從艸失聲 徒結切

𦵏 苧熒胸也從艸丁聲 天經切

艸部

芋莢胸也者釋草蒟芋莢馥棗山海經中山經熊旨之山有草焉曰葶藶似蘇可以毒魚芋莢葶藶聲相近

𦉳

蒟蒻也從艸將聲

子良切又卽兩切

蒟蒻也者藝文類聚八十二引作蒻也莊子則陽篇舍於蟻邱之漿司馬云謂逆旅舍以蒻蒻草覆之也漢書司馬相如傳蒟蒻青蘋張揖曰蒻蒻也古文苑蜀都賦其淺濕則生蒼葶蒻蒲注云蒻蒻也又僮約當編蒻織箔注云蒻蒻蒲草也馥棗編蒻蒻謂作席韓非子十過篇夏禹蒻蒻額緣夏小正四月取茶蒻也者以為蒻蒻蔞也又七月灌蒻為蒻蒻之也廣志蒻以為席溫於蒲生南方通志蒻曰蓬今人謂之菱爾雅曰蒻蒻蓬蒻蒻蓬蒻蒻蓬者米菱也其米謂之彫胡可作飯故曰齧黍蓬者野菱也不能結實惟堪薦藉故曰薦

𦉳

雕蒻一名蔞從艸瓜聲

古胡切

雕蒻者周禮六穀注云徐黍稷梁麥蒻蒻雕胡會醫魚宜蒻注云蒻雕胡也內則蠅醢而蒻會注云蒻雕胡也字或作蒻楚詞大招設蒻梁只注云蒻梁蔞實謂雕胡也潘尼釣賦紅麵之飯精以蒻梁淮南詮言訓蒻飯餽牛弗能甘也高云蒻凋胡也文選七發安胡之飯李云安胡雕胡也七啟芳蒻精樛本草蒻米條下陶隱居云蒻米一名雕胡可作餅孔焯七引芳蒻雕胡漢書司馬相如傳東蔞雕胡張揖曰雕胡蒻米也西京雜記云大液池邊皆是雕胡紫捧綠節蒲叢之類蒻之有米者長安人謂之雕胡蒻之有首者謂之綠節馥棗首謂蒻中生臺者首或為手嘉祐圖經蒻生臺如兒臂謂之蒻手李時珍曰其米須霜蒻時采之故曰雕蒻謂此管子書謂之雁膳猶燕麥自字又作蒻通鑑樊文皎帥銳卒至蒻首橋東一名蔞者廣雅蒻蔞也本草蒻根注云蔞草也江南人呼為菱草史記司馬相如傳蓮藕蒻蘆索隱曰蒻蔞也淮南天文訓大早蒻封煨高注蒻蔞草也

𦉳

艸也從艸育聲

余六切

艸也者牛脣也釋草蒟蒻郭注今澤蒻又蒻牛脣郭注毛詩傳曰水蒻也如蕘斷寸寸有節拔之可復郭疏云陸幾以為今澤蒻郭氏所不取馥棗本書蒻水蒻與毛傳同而郭氏以水蒻牛脣為一未審所據馥謂蒻蒻聲相近經典多假借釋草之蒟蒻當為蒻蒻即水蒻吳都賦異芩蒻蒻李善云蒟蒻與蒟蒻同初借蒻為蒻又借蒟為蒻也釋草之蒻

牛脣當作菁牛脣郭言如黃斷寸寸有節故之
可復此即牛脣形狀但不應引毛傳水葛旨

艸

艸也從艸罷聲符羈切

艸

艸也從艸難聲如延切

艸也者未聞其狀下文
薊艸也薊難一字重出

艸

艸也從艸良聲魯當切

艸也者程君謠田曰國語云馬飢不過稂莠韋昭注莠似
稂而無實昭誤以梁為稂曰似稂莠言似梁云爾大田之
詩不稂不莠爾雅釋之曰稂童梁毛傳因之所謂童梁者
豈即說文禾稂之禾生而不成者乎余謂詩上言既堅既
好既盡也盡堅好則已無禾生而不成者矣而又繼之曰
不稂不莠者謂不生狼尾草與狗尾草也然爾雅既以童
梁釋稂而又別出孟狼尾是則不以狼尾為童梁矣董節
在說文以禾采之不成者則爾雅之所謂童梁亦安能以
說文之解解之邪下泉之詩浸彼苞稂毛傳亦作童梁夫

果童梁為采生而不成者則是於禾粟中間一見之不得
連頃皆童梁而為水所浸且生於禾粟中禾粟宜高地下
泉亦安得而浸之也與苞蕭苞著同舉亦宜為狼尾草矣
蓋狼尾與狗尾二草相雜生野地秋月適野彌望皆是亦
如蕭著之必以族生故得云浸也余嘗目驗草似莠秀於
八月疑即狼尾草因求狼之尾辨識之蓋黃白毛而黑末
而是草之莖老則轉赤而黑與狼尾不異又狼尾毛疏是
草之莖亦疏不似狗尾草之密因遂定之以為狼尾草說
文別出莖草者始是與案司馬相如子虛賦其卑濕則生
藏葦蕭葦史記注載駟按漢書音義曰葦莖尾草也漢書
注郭璞曰藏葦草中牛馬芻余所目驗者亦中牛馬芻也中牛
草也葦草中牛馬芻余所目驗者亦中牛馬芻也中牛
馬芻之云證國語之馬飢不過稂莠以國語之稂莠證詩
之不稂不莠於是稂莠之稂與說文所謂禾粟生而
成之莖節實為二物確無疑藏葦生於卑濕亦與下泉
之浸足相證矣馥案後漢書王符傳夫養稂莠者傷禾稼
通鑑唐太宗曰夫養稂莠者害嘉穀胡注云稂莠皆惡草
書稼郭璞爾雅序舉其蕭稂馥謂本書葦莖相次程君之
說為得

艸也從艸要聲詩曰四月秀萋劉向說此味苦苦萋

也於消切

艸也者徐鍇曰案字書狗尾草也廣雅萋萋也廣韻萋萋
萋草也案秀萋當為秀萋淺學改之也穆天子傳萋萋
注云萋萋屬 詩曰四月秀萋者幽風七月文傳云萋萋
草也戴君震毛鄭詩考正云萋者幽風七月文傳云萋萋
其是乎震按萋者幽萋也戰國策云幽萋之幼也似禾夏
小正四月秀幽幽萋語之轉巨馥案爾雅幽州李巡云燕
其氣深要故曰幽幽萋要也 劉向說云云者陳啟源曰
曹粹中詩說據爾雅萋萋繞棘語又參以劉向苦萋之說
謂即今藥中小草案小草味極苦瀟醫家以甘草煮之方
可用又有萋繞之稱曹說信為有本馥案本書芙下云味
苦江南會以下氣萋芙
聲相近劉向當謂苦芙
艸也者字或作萋
杜甫有種萋萋詩

艸也從艸困聲 渠頌切

列子湯問篇朽壤之上有菌芝者生於朝歿於晦注云崔謨
云糞土之芝也朝生暮歿簡文云歿生之芝也天陰生糞上見日
篇朝菌不知晦朔釋文引司馬云大芝也天陰生糞上見日
晦者不及朔朔者不及晦馥案蔡氏毛詩云糞上芝朝生暮歿
雞菌今雲南呼雞菌北方謂之雞腿磨菇 文選殷仲文九
井詩薄言寄松菌李善注松貞菌脆也 六書故菌蕈之楮
皆朽腐熏蒸所產莊周所謂烝成菌也地有朽壤木有朽腐
則生之似蓋而更者可食堅厚而有
五色文采或一本十數莖者謂之芝
地蕈也者本書光菌先地蕈叢生田中集韻菌蕈也巴蜀
語又云蕈生木上菌生於地故言地蕈廣雅朝菌朝生也
釋草中蘘菌注云地蕈也似蓋今江東名為土菌亦曰楮
廚可啖物類相感志引孫炎云間雷即生俗呼地菌白如
脂可食亦名地蕈名醫別錄
木生者為楮地生者為菌

艸也從艸臽聲 慈在切

桑莢者爾雅釋文今人呼菌為葦葛洪字苑同云世作椹
蕃二字非也字林式甚反或云桑莢也博物志江南諸山
郡中大樹斷倒者經春夏生菌謂之椹會之有味而忽
毒殺人云此物往往自有毒者椹謂椹即字苑所非者

𣎵木目也從艸奕聲一曰菴苳而克切

木目也者齊民要術十引字林同玉篇木目生枯木也廣
韻樛木目別名內則芝栢王肅云無華而生者曰芝栢六書故記曰
屬庾蔚之禮記義疏無華葉而生者曰芝栢六書故記曰
芝栢淺棋伯曰在地曰芝在木曰栢說文黃木目也又作
檟類篇檟木目也通志五木目曰檟蘇恭云楮槐榆柳桑
之目也一曰菴苳者類篇漢州名紅藍也漢即莢之俗
體苳染艸故紅藍曰苳
苳本書無箭字疑作渝

𣎵桑實也從艸甚聲常狂切

桑實也者小爾雅桑之實謂之甚詩泮水會我桑黹傳云
黹桑實也釋文黹說文字林皆作甚本書黹桑甚之黑也
曹憲注廣雅云今人以椹為桑甚失之古今注椹桑實也
武棻有扶桑丹椹東觀漢記王莽亂人相會蔡君仲取桑

甚赤黑異器賊問所以云黑與母赤自會通鑑袁紹在河
北軍人仰會桑椹注云椹桑實也其始生也色青熟則色
黑可食馥案甚亦有白者藝文類聚北方白椹長數寸甚
美傅休奕桑椹賦翠未三變或玄或白是也王禎農書荆
桑多甚魯桑少甚此地氣之殊魏畧楊沛除新鄭長課民
益畜乾甚登豆積得千餘斛藏在小倉會太祖將千餘人
無糧沛乃進乾甚北史崔暹傳道武攻中山六軍乏糧暹
日飛鴉倉甚而改音詩稱其事可取以助糧乃聽人以甚
租當

𣎵果也從艸均聲俱羽切

果也者類篇均莢似芋可食本草均莢一名鬼芋酉陽雜
俎均莢根大如椹至秋葉滴露隨滴生苗馥案或謂均即
均醬馥以本書均云可為醬疑此均非也蜀都賦
其園則有均莢茶莢劉注以均為均醬不連均字

𣎵艸也一日苳菜木從艸比聲房脂切

艸也者玉篇苳蕃也廣韻苳苳荆藩鹽鐵論散不足篇沒
苳蓼蘇魏書裴潛為魏郡妻子貧乏織黎苳以自給

日花菜木者當云一日花菜本書菝蚍蚍也詩傳云菝
花菜陸疏云花菜一名荆葵馥謂荆葵即廣韻荆藩

木堇朝華

木堇朝華暮落者廣雅曰及木堇也玉篇堇木堇朝生
夕隕可食月令仲春之月木堇榮鄭云木堇王蒸也秦策

君危於累卵而不壽於朝生高云朝生木堇也朝榮夕落
呂氏春秋仲夏紀木堇榮注云木堇朝榮暮落是月榮華
可用作蒸雜家謂之朝生一名葵詩云顏如葵華是也釋
草根木堇櫬木堇樊光曰別二名也其樹如李其華朝生
暮落與草同氣故在草中本草衍義木堇如小葵花淡紅
色五葉成一花朝開暮斂湖南人人家多種植為雜障稂
案所謂權籬也莊子逍遙游篇朝菌不知晦朔釋文支遁
云一名舜英朝生暮落潘尼云木堇也馥案潘尼朝菌賦
序朝菌者蓋朝華而暮落世謂之木堇或謂之曰及詩人
以為舜華宣尼以為朝菌其物向晨而結逮明而布見陽
而盛終日而頽不以其異乎何名之多也東方朔與公孫
宏借車馬書木堇夕次朝榮士亦不常貧也馥案江總南
越木堇賦東方記乎夕次朝榮士亦不常貧也馥案江總南
在條恆雖盡而不晤五臣云日及木堇華也朝榮夕落漸

至於盡不即覺也稽含朝生暮落樹賦序草木春榮秋悴
此木朝生暮落蘇彥舜華詩序其為華也色甚鮮麗迎晨
而榮日中則衰至夕而零余既翫其葩而歎其榮不終日
夏矣湛朝華賦咨神樹之修異寔積陽之純精皎日升而
朝華元景逝而夕零逮明晨而繁沸若靜夜之泉星詩
曰顏如葵華者鄭風有女同車文彼作舜傳云舜木堇也
陸疏舜一名木堇一名櫬一名檝齊魯之謂謂之王蒸
今朝生暮落者是也馥案南齊書和帝王皇后名葵華

菜萸也

從艸與聲

羊朱切

菜萸也者神農本草夏至之日豕首菜萸先生為牡蠣身
喙使主四肢二十三節馥案孫楚菜萸賦攀紫房於纖柯
綴朱實之醕烈應神農之本草療生民之疹疾是也風土
記俗尚九月九日謂為上九菜萸到此日氣烈熟色赤可
折其房以插頭云辟惡氣禦初寒本草圖經吳菜萸木高
丈餘皮青綠色葉似椿而闊厚紫色三月開花紅紫色七
月八月結實本草會菜萸功用與吳菜萸同唐本注云皮
薄開口者是圖經云其本亦甚高大長及百尺者枝莖
青黃上有小白點葉正類油麻花黃蜀人呼其子為艾子
蓋禮記所謂藪者藪艾聲譌故云耳宜入會羹中能發辛

香馥案湖州人所謂辣虎即會菜莢也急就篇芸蒜薺芥菜莢香顏注菜莢似毬而大食者貴其馨烈故云菜莢香也洞林云有以菜莢令郭璞射之璞曰子如赤鈴舍元珠案文言之是菜莢范子計然菜莢出三輔寰宇記蔡州貢菜莢又云彭城縣菜莢山在縣東北八十五里俗謂採藥山本草山菜莢出東海承縣此山昔隸承縣

菜

菜莢屬者嘉祐圖經云菜莢結實似椒子嫩時微黃至成熟則深紫

芥

芥菜者徐鍇本作菜菜本書穢似菜莢出淮南釋木菜穢醜菜郭云菜莢子聚生成房貌今江東亦呼菜菜馥案菜屬皆通呼菜莢也急就篇烏喙附子椒莢華顏注椒謂秦椒及蜀椒也椒之大實者名檉詩東門之枌貽我握椒傳云椒芬香載芟有椒其馨正義云椒木之氣香又椒聊之實陸疏椒似菜莢有針刺葉堅而滑澤今成皋諸山間有椒謂之竹葉椒可著飲會中東海諸島上亦有椒枝葉皆

相似子長而不圓甚香其味似橘皮本草蜀椒一名巴椒一名蒨藪生武都川谷及巴郡圖經云今歸峽及蜀川峽洛陽人家多作園圃種之高四五尺似菜莢而小有針刺葉堅而滑可煮飲食甚辛香四月結子無花但生於葉間如小豆顆而圓皮紫赤色此椒江淮及北土皆有之莖實都相類但不及蜀中者皮肉厚腹裏白氣味濃烈且淮南人閒訓申菽杜蒞美人之所懷服也高云菽音椒菽音采皆香草中山經琴鼓之山其本多椒注云椒為樹小而叢生下有草木則蠶灰風土記三香椒檉薑漢書司馬相如傳桂椒木蘭顏注椒即所食椒樹也郭璞椒贊椒之灌植實繁有榛蕪林烈薄穉其芬辛服之不已洞見通神成公綏椒花銘嘉哉芳椒載繁其實厥味惟珍蠲除百疾援神契椒薑禦濕馥案孟詵曰椒療濕痺是也薰勛荅問歲首酌椒酒而飲之以椒性芬香又堪為藥漢官儀皇后稱椒房取其實蔓延盈升以椒涂室取溫煖祛惡氣也曹植鶴雀賦目如擘椒覆案六書故云菜實林六月紫赤其子突出如目謂之椒目是也范子計然蜀椒出武都赤色者善秦椒出天水隴西細者善吳均說餅仇池連蒂之椒元和志黎州貢椒一斤未聲者文九年春秋楚子使椒來聘穀梁作菽釋文云或作菽子服惠伯名椒左傳作秋夫椒

史記作夫湫椒舉周語作

𣎵

某檄實裏如表者從艸求聲

巨鳩

某檄實裏如表者裏當為裏表當為棟某棟聲相近爾
雅釋文引作檄某實裏如表也裏字亦誤本書自象嘉穀
在裏中之形又棟檄實郭注釋木云有棟彙自裏詩山有
苞棟陸疏椒檄之屬其子房生為棟詩椒聊箋云一棟之
實正義言一棟之實者棟謂椒之房裏實者也釋木椒檄
醜菜李巡曰檄菜實也椒菜莢皆有房文選高唐賦綠葉
紫裏李善注裏猶房也

𣎵

楚木也從艸刑聲

舉卿

賈誼書步陟山川翁冒楚棘趙策公宮之垣皆以荻蒿楛
楚裴頡表陵上制一枝圍七寸二分者被斫淮南人閼
訓故師之所處生以棘楚高云楚大荆也本草牡荆生河
閼南陽宛句山谷或平壽都鄉高岸上及田野中唐本注云
此即作槲杖荆是也實細黃色莖勁作樹不為蔓生故稱之
為杜非無實之謂也案漢書郊祀志以杜荆莖為幡竿此則

明蔓不堪為竿今所在皆有圖經云俗名黃荆葉如莖麻疏
瘦花紅作穗實細而黃如麻子大或云即小荆也書舜典
扑作教荆鄭注扑檣楚也學記檣楚二物收其威也鄭云
檣栝也楚荆也二物可以扑撻犯禮者三禮圖楚焯以荆
為之然以灼龜必以荆者凡木心皆圓而荆心方是以用之
呂氏春秋直諫篇稊申束細荆五十跪而加之於背司
馬遷報任安書被筆楚受辱史記廉頗相如列傳廉頗
間之內祖負荆因賓客至蘭相如門謝罪索隱云負荆者荆
楚也可以為鞭也鹽鐵論箠楚之痛殺案箠謂馬箠楚謂
荆會稽後賢記孔垣為廷尉小大以情不加楚撻廣絕
交論故王丹威子以檣楚傅子傅嘏為河南尹獄訟不加
檣楚而得其實晉令杖皆用荆長六尺通鑑東昏侯敕
虎賁不得進大荆注云大荆牡荆也俗謂之黃荆以為箠杖
通鑑又云隋燕榮見道次叢荆以為堪作杖命取之輒以試
人為柳宗元四門記助教之職佐博士以掌榷楚唐陽嶠
為國子祭酒生徒游惰者督以鞭楚又歸崇敬生徒有不率
教者榷

楚木也者本書楚一名荆也廣雅楚荆也急就篇檣檀荆
棘葉枝扶頰注荆一名楚廣志楚荆也釋器箠謂之罩孫

炎云今楚籜也詩正義云單以竹為之無竹則以荆故謂之楚籜詩殷武奮伐荆楚傳云荆楚州之楚國也又漢廣言刈其楚正義楚亦木名故學記以楚為荆又歸爰契我龜正義契楚焯莊十年春秋荆敗蔡師于莘杜云荆楚本號後改為楚正義楚王荆尸杜云荆亦楚也正義荆卽楚名莊四年左傳楚武王荆尸杜云羊傳荆者何州名也戴之舊邑故云荆亦楚也莊十年公羊傳荆者何州名也宣十宏曰荆楚一物義能相發吳楊異訓故不得州名也荆荆或為楚楚亦荆木之別名也史記正義秦滅楚諱楚改曰荆秦莊襄王名楚改楚為荆世說孫楚字子荆陳啟源曰荆存二壯荆蔓荆楚乃叢木非蔓生其牡荆與蔓荆子大牡荆子小故又名小荆有青赤二種青者為荆赤者為楛媿條皆可為筥筥古貧女以荆為釵卽此二禾也荆聲者當為荆聲篆文誤也魏王基碑遷荆州刺史古銅印孫荆其文並從井刑法也荆以立法故從荆本書銅字猶不誤

古文荆

水衣從艸治聲

徒哀切

水衣也者爾雅釋文引作水青衣也玉篇落生水巾綠色也廣雅水衣落也淮南秦族訓窮谷之汚生以青苔江淹青苔賦乃生水而搖蕩遂出波而沈淫復案釋草韮衣郭注水苔也一名石髮江東食之周禮醢人給韮鄭司農云治水水中魚衣風土記石髮水衣也青綠色皆生於石也馥謂此可食不中為紙本草陟釐生江南池澤陶隱居云此卽南人用作紙者唐本注云此物乃水中苔今取以為紙名苔紙王子年拾遺記張華撰博物志成晉武帝賜陟釐紙萬張溪人語訛謂之側理也馥案今高麗人猶取以為紙

萌芽也從艸牙聲

五加切

萌芽也者廣雅萌芽始也月令安萌芽周禮雉氏掌殺草春始生而萌之鄭注謂耕反其萌芽闕尹子四符篇核芽相生呂氏春秋大樂篇萌芽始震凝寒不形漢書金日磾傳霍氏有事萌牙顏注萌牙者言始有端緒若草之始生楊雄徐州牧箴禍如邱山本在萌芽晉時童謠草木萌芽殺長沙

艸芽也從艸明聲武庚切

艸芽也者玉篇篇海並引作草木芽也廣雅萌蘖也方言注鋒萌始出也月令草木萌動周禮占夢乃舍萌於四方鄭注謂萌芽始生也易序卦蒙者蒙也物之穉也鄭云齊人謂萌為蒙也管子五行篇然則冰解而凍釋草木區萌漢書律歷志故陽氣施種於黃泉孽萌萬物顏注萌始生也

艸初生出地兒從艸出聲詩曰彼茁者葭鄒滑切

艸初生出地兒者廣雅茁出也關尹子八籌篇草木俄茁茁俄亭亭俄蕭蕭韓愈文蘭茁其芽蘇軾詩霜葉露芽寒更茁詩曰彼茁者葭者召南騶虞文傳云茁出也

枝柱從艸至聲戶耕切

枝柱也者玉篇引作草木幹也廣韻同一切經音義八引字林枝主也楚辭九歌秋蘭兮青青綠葉兮紫莖論衡初稟篇宋草之莖如鍼射維賦初莖蔚其矚新五臣云莖草苗也

莖也從艸廷聲特丁切

莖也者漢書東方朔傳以莖撞鐘文穎曰謂橐莖也

艸木之葉也從艸葉聲與涉切

艸木之葉也者古詩葉葉自相當易林桑芳將落隕其黃葉

艸之小者從艸厶聲居例切

艸之小者者艸或作菀方音菀小也凡草生而初達謂之菀注云鋒萌始出菀音銳左思吳都賦鬱兮菀茂厶古文銳字者古文當為籀文籀文本書厶云籀文銳又厶云厶籀文銳讀若芮者本草石龍芮陶云其葉芮芮短小潘岳西征賦叢芮於城隅者又百不處一注云芮小貌

華盛從艸不聲縛牟切

華盛者詩鄂不韡韡不卽此茅本書韡下引詩作不後人據詩改之

華也從艸肥聲 普巴切

華也者廣雅同後漢書張衡傳轅瑀與而樹葩今注云葩
華也夏小正三月拂桐芭馥案月令三月桐始華夏小正
云楊則花而後記之花金履祥通鑑引作苑馥謂花苑皆
葩之譌戴君震曰文選琴賦若衆葩敷榮曜春風注古本
葩字爲花貌郭璞曰葩爲古花字含音于彼切字林音于
彼切張衡思元賦曰葩爲古花字含音于彼切當爲
葩字之訛後漢書張衡傳所載思元賦作百草含葩今考
葩字當爲
張揖字詁曰葩古花字也考花字起於後代古書皆作華
陸德明云古讀華如敷此蓋本字音而漢時或讀如華
俗遂通作花葩之古音讀如華故字詁謂葩古花字今文
選本作百卉含葩舊注葩則華則說文乃字詁之訛而說文
曰葩古花字今說文無此語則說文乃字詁之訛而說文
獨不通就其下又云本誤作葩音爲說文必不可讀爲訛切當
言本誤作葩音爲說文必不可讀爲訛切當
郭璞注云古本葩字爲花貌當作葩本葩字是誤中之誤
琴賦注云古本葩字爲花貌當作葩本葩字是誤中之誤
郭璞曰葩爲古花字含音于彼切當作郭璞曰葩爲古花

艸之皇榮也從艸尹聲 羊捶切

字今讀韋彼切考廣韻韋委切韋委韋彼于彼一音也
且是注下引字林于彼切上不得云今讀音于彼切故知
音于二字乃一韋字訛成兩字目複案琴賦注云思元賦
以不惑馥謂藹古音與
和韻若作葩則失韻矣
艸之皇榮也者皇小字本作莖本書艸下引爾雅羅華也
或作莖釋草蒨莖莖華榮郭注釋言云華皇也今俗呼草
木華初生者爲莖本書即釋艸文與郭讀異蒨猶敷
蒨亦華之貌馥案本書蒨灌渝故莖上不連蒨字
黃華者後漢書馬融傳華扈蕙榮 讀若壞者徐階本作
隨壞謂讀若墮也墮與蕙之從圭者聲相近廣韻蒨草木
葉初出貌卽
以爲蕙字

黃華也從艸與聲 一曰末也 方小切

說文解字卷四

苕之黃華也者釋草苕陵苕黃華葉白華芡詩正義引舍人曰苕陵苕也黃華名葉白華名芡別華色之名也本草紫葳一名陵苕一名芡華唐本注云此即浚香花詩小雅苕之華芸其黃矣傳云苕陵苕也將落則黃箋云陵苕之華紫赤而繁華衰則黃陸疏一名鼠尾生下涇水中七八月中華華紫似今紫草鼠尾草一名陵翹鄭箋謂華色紫說即勤鼠尾是也本草鼠尾草一名陵翹鄭箋謂華色紫赤正是鼠尾艸一曰末也者集韻葉禾末淮南天文訓秋分葉定而禾熟高注葉禾穗粟孚甲之莖也古文作秒

艸 艸榮而不實者一曰黃英從艸央聲切於京

艸榮而不實者釋草榮而不實謂之英呂氏春秋孟夏紀苦菜秀注云爾雅云不榮而實曰秀榮而不實曰英苦菜當言英者也一曰黃英者徐鍇曰爾雅釋木有權黃英馥案黃英當為蕾英見本書營下

華 華盛從艸爾聲詩曰彼藹惟何切兒氏

詩曰彼藹惟何者小雅采芣文彼作爾傳云爾華盛貌

萋 艸盛從艸妻聲詩曰萋萋萋萋切七稽

艸盛者廣雅萋萋茂也詩葛覃維葉萋萋韓詩章句萋萋盛也又兼葭萋萋毛傳萋萋猶蒼蒼也馥案上章傳云蒼蒼盛也詩曰萋萋萋者大雅卷阿文傳云梧桐盛也釋訓藹藹萋萋臣盡力也郭云梧桐茂賢才眾

葳 艸盛從艸奉聲切補蝶

艸盛者廣雅葳葳茂也通俗文草盛曰葳馥案詩生民瓜瓞嗶嗶傳云嗶嗶然多實也本書瓞嗶二字引詩并作葳葳馥謂多實亦盛也

蕤 茂也從艸疑聲詩曰黍稷蕤蕤切魚己

茂也者廣雅蕤蕤茂也詩曰黍稷蕤蕤者小雅甫田文箋云蕤蕤然而茂盛玉篇引詩黍稷或或云茂盛貌

華 艸木華垂貌從艸垂聲切儒佳

艸木華垂貌者李善注江文通雜詩陸機園葵詩竝引作艸木華盛貌纂要草木華曰蕤

青齊沈冀謂木細枝曰蔓從艸叟聲子紅切

青齊沈冀謂木細枝曰蔓者方言木細枝謂之杪青齊充冀之閉謂之蔓故傳曰慈母之怒子也雖折蔓管之其惠存焉魏都賦弱蔓系實劉注蔓木之細枝者也廣雅笮築也覆謂此因築而變從竹唐書杜生傳去鞭吾無以進馬可折道旁蔓代之詩繼假無言箋云繼細也

艸菱移從艸移聲弋支切

艸菱移者菱當為委猶禾倚移木櫛施

艸木形從艸原聲愚袁切

艸木形者疑非原文玉篇廣韻竝云莖葉布也本書蓍華葉布正同

艸實從艸夾聲古叶切

艸實者字林同文子上德篇木實生於心艸實生於莢

艸耑從艸亾聲武方切

艸耑者劉楨魯都賦秬族垂莖三禮義宗五月莖種為節者言時可以種有莖之穀故以莖種為名周禮稻人澤草所生種之莖種注云莖種稻麥也

藍蓼秀從艸隨省聲羊捶切

藍蓼秀者廣雅蓼帶也隨省聲者徐鍇本作隋聲

瓜當也從艸帶聲都計切

瓜當也者洪武正韻蒂果菰綴當也埤雅瓜當謂之蒂蒂瓜之繫蔓處也蒂味小苦墨子曰甘瓜苦蒂西京賦蒂倒茄於藻并李善引聲類蒂果鼻也阮籍詩連畛距阡陌子母相鉤蒂夏侯孝若瓜賦落蒂離母漬於寒泉任昉述異記漢章帝元年初三年平陸有瓜異本同蒂共蒂劉敬叔異苑漢安帝元初三年平陸有瓜異本同蒂共生一瓜杜陽編滄州產分蒂瓜長二尺一類二蒂齊民要術收瓜子法截去兩頭者近蒂子瓜曲而細近頭子瓜短

而

艸

艸根也從艸亥聲

古哀切又古諧切

艸根也者釋草莛根方言莛根也太元親上九童親不貞還自莛也廣雅莛根通俗文莛根曰莛素問治以草蘇草莛之枝王注草莛謂草根也漢書禮樂志根莛以遂顏注草根曰莛又儒林傳箕子者萬物方莛也顏注莛莛言其根莛方莛茂也後漢書魯恭傳養其根莛注云莛草根也懷舊賦陳莛被于堂除五臣云陳莛宿草也李善引禮記注宿草陳根也北史王劭傳今溫酒及炙肉用石炭木炭火竹火草火麻莛火氣味各不同

艸

莛也茅根也從艸均聲

于敏切案本書此下空四格據李燾本有又于倫切四字

莛也者錢君大昭曰莛莛釋草文合下莛根為句許君所見爾雅木當如此郭璞本以莛為莛謂為滿紹緒分莛莛為一類莛根為一類馥案廣雅莛莛莛根也是釋草莛莛莛根原為一條廣雅莛莛當為莛兩雅本作莛或作莛為莛故郭以為滿紹緒凡從交交之字多互誤如駁誤為駁駁誤為較是也 茅根也者玉篇莛莛也莛與莛同黃茅

根煎取汁治消渴也

艸

艸根也從艸友聲春艸根枯引之而發土為撥故謂之莛一曰艸之白華為莛

北末切

艸根也者廣雅莛根也方言莛杜根也東齊曰杜或曰莛司馬彪與山巨源書根莛失據淮南地形訓凡根莛木者生於庶木凡根莛草者生於庶草凡浮生不根莛者生於萍藻馥案友有根義本書髮从友云根也曲禮燭不見敗注云敗本也 春艸根枯引之而發土為撥故謂之莛者莛撥聲相近國語王耕一撥本書作坡是也月令孟春之月草木萌動鄭注引農書土長冒撥陳根可拔耕者急發四民月令正月地氣上騰土長冒撥陳根可拔復謂撥當為發本書發以足踟夷艸 一日草之白華為莛者釋草黃華葉白華莛舍人曰黃華名葉白華名莛別華色之名也

艸

艸盛也從艸凡聲詩曰芄芃黍苗

房戎切

艸盛也者詩載馳芄芄其麥傳云芄芄然方盛長
詩曰芄芄黍苗者小雅黍苗文傳云芄芄長大貌

華

華葉布者易說卦震為專釋文云花之通名鋪為花貌
謂之藪史記司馬相如傳專結縷徐廣曰專古布字漢書
紀傳奏其言顏注並云傳讀曰敷爾雅疏傳一名橫目草
蔓延生覆案讀若與諧聲同本書
無此例當是讀若專本書專布也

華葉布者易說卦震為專釋文云花之通名鋪為花貌
謂之藪史記司馬相如傳專結縷徐廣曰專古布字漢書
紀傳奏其言顏注並云傳讀曰敷爾雅疏傳一名橫目草
蔓延生覆案讀若與諧聲同本書
無此例當是讀若專本書專布也

艸

艸木不生也一曰茅芽從艸執聲切

婦入

案篆文當從執本書執從執又楸或從執可證也從壺之字
多誤為幸替本從壺誤為幸洪武正韻辨之六經正誤云左
傳不采執執種也下從執不從執也馥案王元賓碑口心術
藝孔蘇碑經通一藝張表碑雅藝攸載並从去陳球景君史
晨張壽張遷丁魴堯廟
諸碑壺作圭隸體从省
艸木不生也者不當為才玉篇執子習切草木生貌執魚
制切種蒔也形聲雖異實一字重出詩揚羽不能執稷黍

生民執之荏苒箋竝云執樹也周禮司徒以教稼穡樹也
注云執猶蒔也坊記引詩執麻如之何注云執猶樹也昭
六年左傳不采執杜注執種也又十六年傳有事於山執
山林也杜注執養護令繁殖周語墾田若執韋注執猶蒔
也或又作藝書禹貢蒙羽其藝傳云二山己可種藝又岷
嶓既藝傳云水去己可種藝酒誥純其藝黍稷傳云其當
勤種黍稷孟子樹藝五
穀趙注樹種藝植也

艸

艸多兒從艸祈聲江夏平春有祈亭

語斤切

艸多兒者玉篇祈艸也 江夏平春有祈亭者續漢書郡
國志江夏郡平春侯國案本書菰草多兒江夏平春有菰
亭祈菰
形誤

艸

艸豐盛從艸戊聲

莫侯切

艸豐盛者釋詁茂豐也曲
禮並曰豐本注云豐茂也
艸田 艸茂也從艸陽聲 丑亮切

說文解字義登

卷四

序

艸茂也者玉篇藹草木盛孟
子草木暢茂史記草木暢茂

艸陰

艸陰地從艸陰聲切

艸陰地者文七年左傳公族公室之枝葉也若去之則木
根無所庇蔭矣葛藟猶能庇其本根馥案木亦曰蔭郭注
爾雅樹木葉缺落蔭疏宣二年左傳舍於翳桑杜云桑之
多蔭翳者趙策席隴畝而蔭庇桑子華子松柏茂而蔭成
於林塗之人則蔭矣是也又案覆蔭亦曰蔭文十七年左
傳鹿豕不擇音杜注音所休蔭之處詩有杖之杜箋云特
生寡陰釋文陰本亦作蔭漢書郊祀志
靈之至慶陰陰頽云言垂陰覆徧於下

艸兒

艸兒從艸造聲切

艸兒者玉篇造草根雜也昭十一年左傳使助蕞氏之造
注造副倅也釋文云造說文從草馥謂副倅猶今之佐雜
官也周禮車僕掌戎路
之萃注云萃猶副也

艸木

艸木多益從艸絲省聲切

太立天不之茲 漢
書五行志賦斂茲重

艸木多益者或作滋顏注急就篇番滋也本書出下云象
艸木益滋上出達也僖十五年左傳物生而後有家象而
後有滋

艸

艸旱盡也從艸倣聲詩曰蒺藜山川徒歷

詩曰蒺藜山川者大雅雲漢文彼作滌
滌傳云滌條旱氣也山無木川無水

艸

艸兒從艸歆聲周禮曰穀雖斃不歆許嬌

艸兒者廣韻歆禾傷肥玉篇歆耗也縮也馥謂傷肥縮耗
也或借槁字荀子勸學篇木輒以為輪其曲中規雖有槁
暴不復挺者周禮曰穀雖斃不歆者小字本無雖字本
書初刻亦無後乃加之考工記輪人是故以火養其陰而
齊諸其陽則穀雖斃不歆注云歆
歆暴陰柔後必槁滅疇革暴起

艸

艸多兒從艸既聲居味切

艸多兒者虞翻注易云蔚
說也馥案廣雅蔚茂也

𦰇 艸多兒從艸資聲疾茲

𦰈 艸盛兒從艸秦聲側洗

艸盛兒者廣雅秦秦茂也詩其葉秦秦傳云秦秦至盛兒
韓詩秦秦者莢薛君曰秦秦盛兒也或借漆字毛詩秦秦
齊詩作漆漆班固靈臺詩

𦰉 惡艸兒從艸肖聲所交

惡艸兒者淮南修務訓野莠有芠菴桂榴窟虛連比以像
宮室高誘謂芠菴為蓀藿案野莠所寢之草如狼藉也

𦰊 芠芠艸生兒從艸內聲讀若泖而鏡

芠芠艸生兒者謂艸
初生芠芠然小也

𦰋 艸兒從艸在聲濟北有茌平縣仕笛

艸兒者魯語山不茌蕨 濟北有茌平縣者濟當為沛續
漢書郡國志茌平屬沛北國漢書地理志屬東郡應劭曰
在茌山之
卑地者也

𦰌 艸多兒從艸會聲詩曰蒼兮蔚兮鳥外

艸多兒者孫子行軍篇兼葭葭林木翳蒼者此伏姦之所也
詩曰蒼兮蔚兮者曹風候人文傳云蒼蔚雲興兒本書
滄下引詩作媿此
引詩疑後人加之

𦰍 細艸叢生也從艸致聲莫侯

細艸叢生也者廣雅
釋訓致致蓀蓀茂也

𦰎 艸覆蔓從艸毛聲詩曰左右芼之莫抱

艸覆蔓者柳宗元詩野蔬盈傾筐頗雜池沼芼醲謂池沼
之艸多蔓 詩曰左右芼之者周南關雎文毛傳芼擇也
釋言芼搯也本
書撰拔取也

艸色也從艸倉聲七岡切

艸色也者徐錯本作艸覆也

風聲者風從凡聲與夔聲相近詩彼何人斯其為飄風胡不自北胡不自南

艸兒者韓詩垂帶萃兮辭君章句萃垂兒讀

若瘁者本書無瘁字悴下云讀與易萃卦同

更別種從艸時聲時吏切

廣雅蒔種也書堯典播時百穀鄭注蒔讀曰蒔種蒔五穀齊民要術楮移栽者二月蒔之東京賦葢莫莢為難蒔也

更別種者李善注秋興賦引字林同古文苑僅約別茹披蔥四民月令三月別小蔥六月別大蔥方言蒔更也注云

謂更種也一切經音義二十二蒔栽蒔也謂更種曰蒔也通鑑引柳宗元文其蒔也若子注云蒔更種也別或作蒔玉篇蒔種穉移蒔也

艸生於田者從艸從田武鑑切

艸生於田者者本書樹穀曰田一切經音義一引蒼頡篇禾之未秀者曰苗詩無倉我苗傳云苗嘉穀也春秋莊七年無麥苗注云五稼之苗春秋運斗樞粟生而為苗論語苗而不秀者有矣夫孟子則苗勃然興之矣淮南原道訓神農之播穀也因苗以為教

小艸也從艸可聲呼哥切

小艸也者後漢書宣秉傳注引作細艸也玉篇苛小艸生兒楚策以苛廉聞於世鮑注苛小艸苛廉小廉也史記樂布傳以苛小案誅滅之或借苛字漢書酈會其傳好苛禮注云荷細也

葦也從艸無聲武扶切

蕪也者廣雅同方言蘘蕪也注云謂草穢蕪也周語田疇
荒蕪賈注蕪穢楚詞招魂牽於俗而蕪穢注云不治曰蕪
多草曰穢淮南繆稱訓蕪生
於弗樛陶潛文田園將蕪

𦵏

蕪也從艸歲聲

切

荀子王霸篇塗蕪則塞齊民要術凡種穀遇大
雨待蕪生蜀志卻正傳豈暇修林擇於榛蕪哉

𦵑

蕪也從艸流聲一曰艸掩地也

乎光切

蕪也者廣雅同周禮大司馬野荒民散注荒蕪也水經注
萊蕪縣在萊蕪谷舊說萊民播流此谷邑落荒蕪故曰萊

蕪一曰艸掩地也者掩
小字本作淹方言淹敗也

𦵒

艸亂也從艸盍聲杜林說艸葦蓋兒

女庚切

艸亂也者集韻鬚髮亂兒王逸九思鬚髮葦頓兮葉鬚
白注云葦亂也杜林說艸葦蓋兒者集韻葦蕪惡也

𦵓

葦蓋兒從艸爭聲

側莖切

葦蓋兒者當
云艸葦蓋兒

𦵔

凡艸曰零木曰落從艸洛聲

盧各切

易剝卦馬云剝落也月令仲夏行秋令則草木零落
周書霜降之日草木黃落僖十五年左傳歲云秋矣我落
其實而取其材莊子在宥篇草木不待黃而落淮南說
林訓大早者不胥時落高注不待秋時而零落也世說補
柳之姿望秋而落詩桑柔採其劉傳云劉爆燼而希也
釋文爆木又作暴同音剝燼木又作樂或作落同案據釋文
之音則爆燼即剝落也釋詁毗劉
暴樂也郭云謂樹木葉缺落蔭疏
凡艸曰零木曰落者釋詁零落也釋文零字或作零說文
云草曰零木曰落王制草零落釋文零本又作零音同
說文云草曰零木曰落馥案釋文兩引並作零所見本如
此離騷惟草木之零落兮注云零落皆墮也草曰零木曰
落爾雅疏云說文云草曰零木曰落此對文爾散而言之
他物之落亦言蓋詩定之方中靈雨既零蓋零音義同洪
武正韻零落皆衰謝也落字从艸則艸衰亦曰落離騷夕
餐秋菊之落英是也宋玉九辨草木搖落而變衰亦總言

詩木以秋零木亦可言零漢書種一頃豆落而為其草亦
散文也

𦵏

蔽蔽小草也從艸敝聲必袂切

蔽蔽小草也者疑作蔽芾詩
蔽芾甘棠傳云蔽芾小兒

𦵏

艸木凡皮葉落墜地為擇從艸擇聲詩曰十月隕擇

他各

艸木凡皮葉落墜地為擇者類篇集韻引無落字本書集
木葉墜也讀若薄他各切玉篇髮與擇同廣雅擇落也鵬
冠子能天篇雲木降風陸佃注髮擇落之擇蜀志卻正傳
援華英而不遑豈暇修枯擇於榛穢哉宋書袁淑傳若浚
風之舞輕擇詩曰十月隕擇者幽風七月文傳云擇落
也又鶴鳴爰有樹檀其下維擇傳云擇落也又擇兮擇兮
傳云擇稿也箋云稿謂木
葉也木葉稿待風乃落

𦵏

積也從艸溫聲春秋傳曰蒞利生孽於粉切

漢郭究碑皇精蒞夏世說中心蒞結或作蒞魏書殷紹
傳練精銳思蒞習四年西京賦既蒞崇之又行火焉或借
苑宛詩我心苑結禮運大積焉不死

荀子哀公篇富有天下而無宛財
積也者一切經音義二十三引字林同廣雅方言蒞同隱
六年左傳芟夷蒞崇之杜云蒞積也昭二十五年傳蒞而
弗治將蒞杜云蒞積也襄十一年傳毋蒞年注云蒞積年
穀隱三年傳蒞繁蒞藻之菜杜云蒞藻聚藻也史記索隱
左傳蒞藻蒞即聚也家語入官篇道化流而不蒞注云蒞
滯積也後漢書卓茂傳於是蒞憤歸道之賓注云蒞積也
風俗通苑蒞也言薪蒸所蒞積也春秋傳曰蒞
利生孽者昭十年左傳文蒞彼作蒞孽當為贅

𦵏

菸也從艸焉聲於乾切

菸也者玉篇莠黓也廣韻莠物不鮮也廣雅莠莠玉篇莠
敗也莠莠也齊民要術欲啖林實著熱灰中令莠莠史記
歷書歲名焉逢漢書作闕逢焉闕即莠
菸或作焉大戴禮用兵篇百草焉黃

說文解字義證

卷四

五

𦰇

鬱也從艸於聲一曰矮也

央居切

鬱也者本書藪非鬱也又瘕積血也亦鬱意廣雅鬱幽也又云菸瘕也亢倉子石道篇草鬱則為腐楚詞九辨葉菸邑而無色兮注云菸鬱也宋玉風賦傲澗鬱邑魏上尊號碑於邑益甚又云必鬱邑於會稽之山陰詩中谷有推暎其乾矣傳云暎菸貌左傳物乃坻伏鬱湮不育陳藏器曰菰首有黑灰如墨者名烏鬱胡三省曰臺中有黑者謂之芟鬱晏子府粟鬱而不勝倉史記倉公傳寒濕氣宛篤不發集解宛音鬱周禮內饗烏鬱色而沙鳴狸釋文云狸音鬱疏云鬱謂腐臭穢案狸內則作鬱一曰矮也者本書矮痛也詩中谷有推正義引本書菸矮也一切經音義十韻集菸乙餘反今關西言菸山東言芟芟音於言反江南亦言矮矮又作莖莖類莖莖於

𦰇

艸旋兒也者玉篇莖莖也莖莖也

詩曰莖莖莖之

葛藟菜之者周南樛木文彼作榮傳云旋也

𦰇

示艸也從艸祭聲

蒼大切

玉篇藪

古文蔡

艸也者艸下有脫文本書丰艸蔡也象艸生之散亂也玉篇蔡艸芥也丰艸芥也馥謂芥乃芥之譌芥正作艸本書艸衆艸也艸衆則散亂左傳蔡蔡叔借蔡為繁亦散意

𦰇

艸葉多從艸伐聲春秋傳曰晉羅茂

符發切

艸葉多者廣韻茂貌王觀國曰文選有劉安昭隱文云木輪相糾兮茂散茂散者木之枝葉茂盛也春秋傳曰晉羅茂者成十年左傳晉侯使釋茂如楚杜云羅茂晉大夫

𦰇

艸之可食者從艸采聲

蒼代切

艸之可食者者小爾雅菜謂之蔬靈樞經五菜葵甘韭酸藟鹹藟苦蔥辛月令仲秋趣民務畜菜荀子富國篇藟菜

𦰇

艸多葉兒從艸而聲沛城父有揚蒨亭

如之切

說文解字義登

卷四

兵

艸部

艸部 艸浮水中兒從艸乏聲

字凡切

薄

薄也一日蠶薄從艸溥聲

旁各切

林薄也者廣雅草藪生為薄漢書楊雄傳列新雉於林薄
王逸楚詞注草木交錯曰薄風俗通高祖戰敗遁叢薄中
曹植七啟搜林索險探薄窮阻淮南原道訓隱於榛薄之
中高云藜木曰榛深草曰薄吳都賦傾藪薄五臣云草木
俱生曰薄 一日蠶薄者本書蠶薄也又或說曲蠶儀前
也漢儀先桑二日蠶室生蠶著薄上祀勝之書火種桑至春生一畝倉
一日蠶官生蠶著薄上祀勝之書火種桑至春生一畝倉
三薄蠶楊泉蠶賦大務時成閏紵卷薄三輔故事皇后葬
用大蠶二十薄或借撲字淮南時則訓具撲曲莒筐高云
撲音薄持也三輔謂之撲俗作簿廣韻繪懸蠶簿也新唐
書禮樂志皇后親蠶之儀尚功以桑授蠶母蠶母切之以
授婕妤好倉蠶灑一簍止俗又作箔漢舊儀皇后親桑於苑
中蠶室著蠶於箔齊民要術蠶比至再眠常須三箔中箔
上安蠶下箔障土氣上箔防塵埃韓愈聯句詩春蠶看滿
箔

艸部

所以養禽獸也從艸如聲

於阮切

三蒼養牛馬林木曰苑 初學記二十四引風俗通苑
也言薪蒸所蘊積也 高注淮南云苑讀登節之登
所以養禽獸也者漢舊儀上林苑廣長三百里置令丞左
右中部尉百五十亭苑中養百獸當祠祀俱客用鹿廡天
子秋冬射獵苑中取禽獸漢官典職宮內苑聚土為山十
里九阪種奇樹育麋鹿麋鹿身獸百種天子乘輦游獵苑
中漢書百官表牧師苑令續漢書百
官志上林苑令一人主苑中禽獸

艸部

大澤也從艸數聲九州之數揚州具區荊州雲夢豫

州圃田青州孟諸沅州大野雍州豳蒲幽州奚蒼冀

州楊紆并州昭餘邠是也

周禮大宰藪以富得民 昭二十年左傳藪之薪蒸虞侯守
之 詩大叔于田叔在藪傳云藪澤禽獸之府也 韓詩禽
獸居之曰藪 楊雄上林苑
令箴夷原汗藪禽獸攸伏

說文解字義登

卷四

三

東北曰幽州藪曰獫狁河內曰冀州藪曰楊紆正北曰并
州藪曰昭餘祁風俗通義謹案爾雅藪者澤也藪之為言
厚也草木魚鼈所以厚養人君與百姓也魯有泰野晉有
泰陸秦有楊紆宋有孟諸楚有雲夢吳有具區齊有海隅
燕有昭餘祁鄭有圃田周有焦獲今漢有九州之藪揚州
曰具區在吳縣之西荊州曰雲夢在華容縣南今有雲夢
長掌之豫州曰圃田在中牟縣西青州曰孟諸不知在何
處兗州曰大野在鉅野縣北雍州曰弦蒲在沂縣北蒲谷
亭幽州曰奚養在虎縣東冀州曰泰陸在鉅鹿縣西北并
州曰昭餘祁在郭縣北其一藪推求未得其處馥案揚州
具區者漢書地理志會稽郡吳縣具區澤在揚州藪古
文以為震澤馥案禹貢揚州震澤底定傳云震澤吳南太
湖名此誤也職方揚州藪曰具區浸曰五湖若如傳言則
藪浸何別漢志以震澤為具區極確本書湖下云揚州浸
有五湖乃太湖也南山經浮玉之山北望具區注云具區
今吳縣西南太湖也尚書謂之震澤周禮謂之具區是也荊州
縣西南五十里禹貢謂之震澤周禮謂之具區是也荊州
雲夢者夢當作普廣韻雲普澤在南郡容齋四筆職方氏
以夢為普史記夏本紀雲土夢為治索隱云夢一作普鄒
誕生又音蒙漢書敘傳子文初生棄於普中顏注普雲曹

澤也書禹貢雲土夢作又沈括曰舊尚書雲夢土作又唐
太宗時得古本作雲土夢詔改從古本馥案史記夏木紀
雲夢土為治漢書地理志雲夢土作又唐所得古本不能
占於史記漢書也戰國策楚王游於雲夢高唐賦楚襄王
與宋玉游於雲夢之臺楚語又有藪曰雲連徒州注云楚
有雲夢藪澤也宣四年左傳邲夫人使棄諸夢中杜云夢
澤名江夏安陸縣城東南有雲夢城又昭二年傳子產乃
具田備王以田江南之夢注云楚之雲夢跨江南北又定
四年傳楚子涉睢濟江入于雲中杜云入雲夢澤中所謂
江南之夢正義昭三年王與鄭伯田於江南之夢謂此也
春秋土地名云南郡枝江縣西有雲夢城江夏安陸縣東
南亦有夢城或曰南郡華容縣東南有巴邱湖江南之夢
也史記司馬相如傳臣聞楚有七澤嘗見其一曰雲夢
雲夢者方九百里裴駘云孫叔敖激沮水作此澤張揖云
楚藪也在南郡華容縣郭璞曰華容縣又有巴邱湖俗云
卽古雲夢澤也劉澄之荊州記華容縣東南有雲夢澤一
名巴邱湖荊州藪也晉書杜預傳巴邱湖沅湘之會表裏
山川實為險固荆蠻之所恃也宋元初山川古今記雲夢
澤一名巴邱湖荊州之藪故魏武帝與吳王書云赤壁之
困過雲夢澤中有大霧遂失道是此呂氏春秋至忠篇荆

莊哀王獵於雲夢注云雲夢楚澤也在南郡華容也漢書
高紀乃為游雲夢韋昭曰在南郡之華容也地理志南郡
華容縣雲夢澤在南荆州蕪漢書揚雄傳奢雲夢顏注雲
夢楚蕪澤名也春秋昭公三年楚靈王與鄭伯田於江南
之夢郡國志復州雲夢城城西大澤即古雲夢澤也後漢
書法雄傳郡濱帶江沔又有雲夢蕪澤注云雲夢澤今在
安州十道志安州安陸郡春秋鄭子之國雲夢之澤在焉
通典雲夢澤名也今在安陸郡元和志安陸縣雲夢澤在
縣南五十里傳遂曰左傳楚子涉睢濟江入于雲中雲中
雲夢澤中蓋江北之夢在今湖廣德安府考睢漢二水皆
入江楚子既涉睢而西復還入睢由睢而入江繞吳兵之
南而北濟以入鄖自鄖而奔隨也解以為江南之夢非胡
渭曰雲夢經傳諸書有合稱者有單稱者周禮荆州蕪澤
曰雲夢爾雅十蕪楚有雲夢呂覽淮南子同戰國策楚王
游于雲夢結駟千乘宋玉高唐賦曰楚襄王與宋玉遊于
雲夢之臺司馬相如子虛賦曰雲夢者方八九百里此合
稱雲夢者也左傳定四年楚子涉睢濟江入于雲中此單
稱雲夢者也宣四年邾夫人棄子文于夢中昭三年楚子以
鄭伯田江南之夢宋玉招魂曰與王趨夢兮課後先此單
稱夢者也單稱特省文巨雲可該夢夢亦可該雲故杜元

凱注夢中云夢澤名江夏安陸縣東南有雲夢城則夢在
江北注雲中云入雲夢澤中所謂江南之夢則雲在江南
注江南之夢云楚之雲夢跨江南北則南雲北夢單稱合
稱無所不可絕無江北為雲江南為夢之說是也豫州圃
田者周語蕪有圃草韋云澤無水曰蕪詩車攻東有圃草
箋云甫草者甫田之草也鄭有圃田正義云宣王之時未
有鄭國圃田在東都畿內故宣王得往田焉馥案鄭有圃
田釋地文也圃田自東遷以後始為鄭有爾雅不屬之周
而屬之鄭是晚周人語鄭注澤虞云爾雅有入蕪漢書嚴
助傳入蕪為圃蓋不數圃田焦漢也定四年左傳及圃田
之北竟注云圃田鄭數名又倍三十三年傳鄭之有原圃
猶秦之有具圃也杜云滎陽中牟縣西有圃田澤漢書地
理志河南郡中牟縣圃田澤在豫州數列子釋文圃田
鄭之蕪澤也今在滎陽中牟縣元和志中牟縣圃田澤一
名原圃在縣西北七里其澤東西五十里南北二十六里
閭若環曰中牟縣西北七里其澤東西五十里南北二十六里
傳以為自洧川之北直抵中牟之西東連尉氏西接新鄭
周迴三百餘里總謂之圃田穆天子傳天子次於軍邱以
畋於蕪鄭詩叔在蕪火烈具舉而左傳所云取人於萑苻
之澤是皆其地矣今中牟得其地什之四洧川尉氏各什

之三是也青州孟諸者禹貢豫州導荷澤被孟諸周禮職
方青州澤數曰望諸注云明都也在睢陽馥案周以豫
屬青者周兼有豫之半故也林之奇曰周禮青州澤數
曰望諸此乃屬豫者周無徐徐并於青青在豫東故得兼
有孟諸司馬相如傳游孟諸文穎曰宋之大澤也故屬齊
昭二十一年左傳宋謀逐華驅將使田孟諸而遣之文十
年傳遂道以田孟諸杜云孟諸宋大藪也在梁國睢陽縣
東北僖二十八年傳余賜女孟諸之康注云孟諸宋藪澤
史記夏本紀被明都索隱明都音孟諸孟諸澤在梁國睢
陽縣東北爾雅左傳謂之孟諸今文亦為然唯周禮稱望
諸皆此地之一名鄭注禹四海異物云孟諸宋藪也博物
志宋北至泗水南迄睢渦有孟諸之澤十道志孟諸澤在
今虞城縣元和志虞城縣孟諸澤在縣西北十里周迴五
十里俗號盟諸澤是也沈州大野者禹貢徐州大野既豬
鄭注大野在山陽野北名鉅野澤史記彭越漁於鉅野
澤中哀十四年左傳西狩於大野獲麟服虔注大野數名
魯田圃之常處蓋今鉅野是也戴延之西征記巨澤魯之
西界孔子獲麟處元和志鉅野縣鉅野澤在縣東五里即
魯西狩獲麟處南三百里東西百餘里漢書地理志山
陽郡鉅野縣大野澤在北兗州鉅野縣尚書大傳鉅野葭注云

鉅大也大野魯藪水經注濟水東北出巨澤何承天曰鉅
野湖澤廣大南通洙泗北連清濟吳幼清曰大野澤俗稱
梁山澤是也雍州弦蒲者大康地志沂縣有蒲谷鄉弦中
谷乃雍州之藪也水經注沂水出沂縣之蒲谷鄉弦中
次為弦蒲藪爾雅曰水決之澤為沂也寰宇記隴州沂源
縣有弦蒲藪是也幽州奚養者漢書地理志琅邪郡長廣
縣奚養澤在西秦地圖曰劇清地幽州數元和志萊州昌
陽縣奚養澤在西秦地圖曰劇清地幽州數元和志萊州昌
理志云長廣縣西有奚養澤長廣故城在今縣東五十里
後漢屬東萊郡是也冀州楊紆者僖三十三年左傳猶秦
之有具囿馥案高誘注淮南云具囿一名陽紆海內北經
陽汙之山河出其中淮南修務訓禹治水以身解於陽汙
之河寰宇記冀州信都縣有楊隋澤胡渭曰呂氏春秋九
藪有秦之陽華在今華陰縣與洛南接界縣志云西南之
藪有秦之陽華在今華陰縣與洛南接界縣志云西南之
古陽華之藪也蓋藪因山而得名山藪並華山之陽正
禹貢之華陽是也并州昭餘祁州藪通典昭餘祁在今西
縣九澤在比是為昭餘祁并州藪通典昭餘祁在今西
郡介休縣界寰宇記昭餘祁呂氏春秋云大昭又名漚澤
周禮并州藪俗名鄆城泊是胡渭曰禹貢至於大陸大陸

地也非澤也以地為澤自班固始孔安國於冀州云地名而導河又云澤名前後違戾反若乞靈於班固者朱子疑孔傳為後人偽撰有以也若爾雅十藪自當主澤言孫炎解不誤孔穎達引以證經之大陸則誤耳戴君震曰水經汾水南過大陵縣東道元注汾水於縣地志曰九澤在北并西四里南北一十餘里陂南接鄆地理志曰漚洩之澤俗謂之鄆城也呂氏春秋謂之大陸又名之曰漚洩之澤俗謂之鄆城也鄆案孟堅以鄆縣北九澤當周職方昭餘祁然爾雅稱晉有大陸燕有昭餘祁呂氏春秋稱晉之大陸趙之鉅鹿燕之大昭而周禮昭餘祁與虢池漚洩夷涼易並舉鄭康成云嘔夷祁夷歟考嘔夷即漚水出靈邱祁夷出平舒並今大同府境源流各別道元溷昭餘祁大陸嘔夷而一之誤矣是也

艸田不耕田也從艸畱易曰不畱畱

側詞

不耕田也者六書故引作不耕也二歲田也王君念孫曰不耕當為才耕字之誤也釋地田一歲曰菑郭云今江東呼初耕地反草為菑孫炎云菑始災殺其草木也釋文云本或作畱同側基反孫音災書大誥厥父菑傳云菑耕其田釋文云菑草也田一歲曰菑漢書翟方進傳厥父菑厥子播而穫之顏注反土為菑一曰田一歲曰菑詩載芣倣載南畝箋云倣載當作熾菑韓詩其菑其菑反草也淮南本經訓菑榛穢聚埒高注茂草曰菑四民月令正月地氣上騰土長冒概陳根可拔急菑強土黑廬之田齊民要術凡山澤開荒皆七月芟父之艸乾而焚之林木大者剷殺之葉少不扇便任耕種三歲後根莖枯朽焚而耕之為畱疆畎按爾雅田一歲曰菑若稽田既勤敷菑惟其陳修菑者以耜發田為反草之事既耕去其草矣然後陳其行列而修治之以為疆畎從艸畱者王君念孫曰繫傳云此為从艸从畱亦無聲字何以言之若實从艸下畱則不畱田合為畱字或省艸臣以為當言从艸下畱則不畱畱塞之故从艸畱者川塞也音災但許慎約文後人不曉誤以畱田合為畱字因誤加聲字目念孫按錯云舊解从艸畱傳寫誤以畱田合為畱字畱田合為畱字非蓋說文本從艸田畱替畱古災字與菑聲相近易无妄象傳邑人災也與之為韻史記龜策傳身乃無災與時期欺為韻爾雅釋地田一歲曰菑疏引孫炎云菑始災殺其

艸木也災字皆讀若苗又詩生民二章無苗無害禮記祭法能禦大菑則祀之菑即災字故此菑字从艸田从聲傳寫者誤以田从二字上下倒置合為一字故譌作从艸苗聲今不得其解而削去聲字非是 易曰不菑畬者无妄六二爻馬注菑田一歲也正義云不敢首發新田唯治其菑熟之地本書畬三歲治田也引易不菑畬馥案坊記引易不耕稜不菑畬凶注云言必先種之乃得穫若先菑乃得畬也安有無事而取利者乎田一歲曰菑二歲曰畬三歲曰新田

田 菑或省州

菑或省艸者後人加之六書故引唐本但云古文詩其菑其翳釋文菑木又作苗書瀕淄漢書作苗地理志楚苗邱菑曰善邱梁國苗縣菑曰嘉穀馥案菑惡與災同故改之元和志考城縣漢菑縣漢之興也其邑多菑年數不登故邑曰菑孝章柴于岱宗過菑縣詔御史曰陳留菑縣其稱不令故高祖鄙柏人之名武帝休聞喜而顯獲嘉祥其改菑縣為考城縣

艸

艸盛兒者蘇或借油字箕子麥秀歌禾黍油束督補公詩厥草油油又借由字管子小問篇苗至其成也由由乎茲免 夏書曰厥艸惟蕪者禹貢文彼作 繇釋文引馬注繇抽也馥謂繇抽聲相近

艸

除艸也明堂月令曰季夏燒薶從艸雉聲 他計

除艸也者本書燬燒種也東京賦若薶氏之芟草既蘊崇之又行火焉周禮薶氏注云故書薶或作夷鄭司農云掌殺草故春秋傳云如農夫之務去草芟夷蘊崇之又今俗闕謂麥為夷下言芟夷其麥以其下種禾豆也玄謂薶讀如鬚小兒頭之鬚書或作夷此皆剪草也字從類耳月令曰燒薶行水為燒所芟草乃水之南齊書太祖本紀深松茂草或致刊薶江總詩闕階薶宿莽通鑑朱全忠薶鳳翔城外草以困城中注云薶除草也 明堂月令曰季夏燒薶者禮記月令季夏之月大雨時行燒薶行水利以殺草如以熱湯注云薶謂迫也芟草也此謂欲稼萊地先薶其草草乾燒之至此月大雨流水潦畜於其中則草灰不復生而地美可稼也薶人掌殺草職曰夏日至而薶之又曰

若欲其化也則以水火變之徐鍇曰明堂月令即今禮記月令未刪定前也古天子居明堂布政每月告朔班一月之政令故曰明堂月令王應麟曰今禮記月令於別錄中屬明堂陰陽記故謂之明堂月令後漢書蔡邕傳明堂月令天子以四立及季夏之節迎五帝於郊注云天子居明堂各依其月布政故云明堂月令魏案御覽引禮記月令即引蔡邕章句於下是蔡之章句即今禮記月令王隱晉書張載弟前烏程令杭依蔡邕注明堂月令論月令中台要解又綴諸說歷數而為歷讚蔡邕明堂月令論月令篇名曰因天時制人事天子發號施令祀神受職每月異禮故謂之月令所以順陰陽奉四時効氣物行王政也成法具備各從時月藏之明堂所以示承祖考神明明不敢世瀆之義故以明堂冠月令漢書魏相傳相數表采易陰陽及明堂月令秦之禮舍文嘉注天子孟春幸於南郊總受十二月之政還藏於祖廟且取一政班於明堂初學記引三輔黃圖明堂者天道之堂也所以順四時行月令宗祀先王祭五帝故謂之明堂後漢書律歷志若夫用天因地揆時施教頒諸明堂以為民極者莫大乎月令袁準正論古有王居明堂之禮月令則其事也唐會要顏師古議明堂曰文王居明堂之篇帶以弓鞬禮於祿下九門襍禮樂止疾疫

置梁除道以利農夫令國為酒以合三族凡此等事皆合月令之文惠棟曰隋書經籍志云馬融傳小戴之學融又足月令一篇案鄭氏三禮目錄月令下曰此于別錄屬明堂陰陽別錄為劉向所撰漢書藝文志禮十三家五百五十五篇內明堂陰陽三十三篇則馬融所足者采之明堂陰陽

耒亦耒聲者

耒亦耒聲者 當為耒聲

艸大也從艸致聲

艸大也從艸致聲 陟利切

艸大也者釋詁莠大也釋文莠郭陟孝反顧野王都角反說文云草大也孫都耗反廣韻入聲四覺莠竹角切說文云草大也本音到又陟孝切去聲三十七號莠都導切大也玉篇莠都角切韓詩莠彼甫田毛作倬又音到詩甫田釋文倬陟角反韓詩作莠音同云莠卓也馥案廣韻玉篇莠無莠字廣韻莠字明引說文玉篇莠字在莠莠菜三字之閒次敘與本書同然則莠本莠字傳寫誤也廣韻傳與莠同紐云大也是倬莠音義同故韓作莠毛作倬釋文引

韓詩從竹者亦寫誤也本書又有葑字云艸木倒蓋後人加之徐楚金不審乃引莊子草木倒殖為解失之韓詩東有圃草薛君曰圃博也有博

大茂草也此亦艸大之證
艸相薪苞也從艸斬聲書曰艸木薪苞慈冉切

艸相薪苞也者釋木如竹箭曰苞釋言苞禛也郭云今人呼物叢緻者為禛謝靈運詩野葳薪紫苞書禹貢釋文引字林薪草之相包裹也包必茅反字或作苞非叢生也馬云相包裹也馥案苞包皆假借正作勺本書勺裹也

道多艸不可行從艸弗聲分勿切

道多艸不可行者周語火朝覲矣道弗不可行也韋注草穢塞路為弗釋詁覲擊弗離也郭云謂草木之叢首鬚蒼也弗離即彌離

彌離猶蒙龍耳

馨香也從艸必聲毗必切

本書鉅會之香也

馨香也者廣雅苾香也一切經音義五引埤蒼木香也苾苾然大香也大戴禮曾子疾病篇苾乎如入蘭芝之室馥案詩苾芬孝祀韓詩作馥芬又苾苾芬芬景福殿賦作馥馥芬芬然則苾字隸體變為馥

香艸也從艸設聲識列切

香艸也者廣雅設香也劉向九歎懷椒聊之設設兮王注云設設香貌

香艸也從艸方聲敷方切

香艸也者本書香芳也廣雅芳香也離騷雜杜蘅與芳菝注云皆香艸名

雜香艸從艸賁聲浮分切

治病艸從艸樂聲以勻切

治病艸者玉篇引作治疾之艸總名易无妄勿藥有喜虞注與為木艮為石故稱藥周禮疾醫以五味五穀五藥養

其病注云五藥草木蟲石穀也鷓冠子環流篇積毒成藥
工以為醫呂氏春秋孟夏紀聚蓄百藥注云是月陽氣極
養命成者養積之藝文類聚八十一引太一子凡藥上者
大黃除實當歸止痛性之所和病之所以愈是當其藥
應其病則生違其藥失其應則死本草上藥一百二十種
為君主養命以應天無毒久服不傷人輕身益氣不老延
年中藥一百二十種為臣主養性以應人唐六典尚藥掌
合和藥物辨上中下之三品急就篇灸刺和藥逐去邪顏
注和藥合和眾藥也草木金石鳥獸蟲魚之類堪愈疾也
總名為藥申鑿俗嫌篇藥者療也所以治病也無疾則勿
藥可也唐處士張皋上疏藥以攻疾無疾不可餌也昔孫
思邈有言藥勢有所偏助令人藏氣不平借使有疾用藥
猶須慎重世本神農和藥濟人帝王世紀炎帝神農氏嘗
味草木宣藥療疾藝文志有神農黃帝會藥七
卷今本作會禁誤也周禮醫師疏引作會藥

艸木相附麗土而生從艸麗聲易曰百穀艸木麗於

土呂支切

艸木相附麗土而生者廣雅麗著也郭象莊子注麗著也
周禮大司徒其附于刑者歸于土注云附麗也王制郵罰
麗於事注云麗附也宣十二年左傳射麋麗龜注云麗著
也蜀都賦任土所麗五臣注麗附也詩月離于畢易離卦
離麗也注云麗猶著也釋名離麗也物皆附麗陽氣以茂
也易曰百穀艸木麗於土者離卦象文麗彼作麗釋文
麗說文作麗論衡說曰篇引易
百果艸木麗於土麗者著也

席廣多也從艸席聲

祥易切

廣多也者釋詁席大也詩緇衣之蓆兮傳云
蓆大也釋文云韓詩蓆儲也說文云廣多

刈艸也從艸從殳

所銜切

刈艸也者詩載芟傳云除草曰芟又車攻傳云田者大芟
草以為防周禮肆師嘗之日蒞卜來歲之芟注云芟芟草
除田也漢書賈誼傳故薪去不義諸侯而虛其國顏注薪
讀與芟同謂芟刈之齊語耒耜柳芟韋云芟大鎌所以芟
草也通鑑蜀民爭操芟刀以助官軍注云芟刀農家所以
芟草從殳者徐鍇本作殳聲本書楮讀若芟刈之芟

說文解字

卷四

果

薦藉也者藉當為席釋名薦所以自薦藉也廣雅薦席也

士虞禮藉用葦席注云藉猶薦也拾遺記穆王時西王母來敷碧蒲之席黃莞之薦曹植九詠茵薦兮蘭席六書故編臺草以藉也履所用藉席者今謂之薦也

𦰇 祭藉也一曰艸不編狼藉從艸藉聲 慈夜切又

易大過藉用白茅 馬云在下曰藉

祭藉也者廣韻以蘭茅藉地周禮鄉師大祭祀供茅苴鄭大夫讀苴為藉謂祭前藉也又甸師祭祀共蕭茅注云茅以共祭之苴苴以藉祭士虞禮取黍稷祭于苴注云苴所以藉祭也黃帝問元女兵法祭法白茅為藉長二尺四寸廣六寸餅棗栗并脯置藉上一曰草不編狼藉者史記周本紀宣王不修藉於千畝正義云瓚曰藉踏藉也桓譚新論道路皆蒿草寥廓狼藉周禮敘官條狼氏注云滌除也狼狼扈道上疏云謂不蠲之物在道猶今言狼藉也孟也樂歲粒米狼戾注云狼戾猶狼藉也

𦰇 茅藉也從艸租聲禮曰封諸侯以土菹以白茅 子余切

茅藉也者史記封禪書江淮之間一茅三脊所以為藉也孟康曰所謂靈茅也漢書郊祀志蕭用苴藉晉灼曰苴藉也顏注茅藉也苴字本作菹假借用蕭案周禮又作菹禮曰封諸侯以土菹以白茅者禮無此文孔穎達曰是必古書有此說故先儒之言皆同也周書作淮解周公乃建大社于國中其壝東青土南赤土西白土北驪土中央豈以黃土將建諸侯鑿取其方一面之土包以黃土苴以白茅以爲土封故曰受列土于周室韓詩外傳天子社廣五丈東方青南方赤西方白北方黑上方黑上方黃土將封諸侯各取其方色土苴以白茅為社明有土謹敬潔清也白虎通春秋傳曰天子有太社焉東方青色南方赤色西方白色北方黑色上冒以黃土故將封東方諸侯青土苴以白茅謹敬潔清也獨斷天子太社以五色土為壇皇土苴以白茅者受天子太社之土以所封之方色東方受青南方受赤他如其方色藉以白茅歸國以立社故謂之受茅土

𦰇 朝會東茅表位曰蒞從艸絕聲春秋國語曰致茅蒞

表坐 子說

朝會東茅表位曰表者昭十一年左傳會其弟百餘人為表注云野會設表以爲位史記叔孫通傳與其弟子百餘人為表注云野會外習之月餘集解云徐廣曰表位標準駟按如淳曰置設絲索爲習肄處葦謂以茅剪樹地爲纂位春秋傳曰置茅蒹也索隱云韋昭云引繩爲絲立表爲葦賈逵云東茅以蒹爲位爲蒹顏師古注漢書云葦與蒹同馥案本書蒙設蒹蒹爲營昭十八年左傳屏攝葦昭曰周氏云屏者并攝主人之位昭謂屏風也攝形如要扇皆所以分別尊卑爲祭祀之位先鄭司農曰攝束茅以爲屏祭神之處北史齊武平四年所皇祠壇壝蒹之內忽有車軌之轍馥謂此言祭祀表位與朝會同春秋國語曰致茅蒹表坐者晉語昔成王盟諸侯於岐陽楚爲荆蠻置茅蒹設望表與鮮牟守燎故不與盟韋注蒹謂束茅而立之所以緇酒望表謂望祭山川立木以爲表表其位也馥案此卽朝會表位韋以爲緇酒非是

艸之凡以茅葦葢屋從艸次聲 疾茲切

以茅葦葢屋者李善引作屋以艸葢爲葢馥案釋名屋以艸葢爲葢次也次艸爲之也李引卽此誤稱說文書梓材若作室家旣勤垣墉惟其塗墍葢傳云葢葢之荀子禮論篇抗折其頽以象撓葢番闕也注云葢葢屋也撓葢猶壑葢也詩大田福祿如茨又如茨如梁箋竝云葢葢屋也周禮圉師茨牆則翦闕注云葢葢也韓詩外傳原憲居魯環堵之室茨以蒿菜檀弓見若覆夏屋者矣注云葢謂茨瓦也釋文茨茅覆屋成二年穀梁傳茨雍門之茨范注茨葢也又文三年傳茅葢矣徐邈謂屋上之茅茨六韜帝堯茅茨之葢弗翦墨子茅茨不翦漢書司馬遷傳茅茨不翦顏注屋葢曰茨茅茨以茅覆屋也大戴禮明堂篇以茅葢屋莊子讓王篇環堵之室茨以茅葢爲民愛費也呂氏春秋召類周書文王曰吾栝柱而茅茨爲屋淮南子舜作室築牆茨篇明堂茅茨蒿柱注云茅可覆屋淮南子舜作室築牆茨屋避地王褒聖主得賢臣頌長於蓬茨之下晉起居注孫朝弃身茨宇良吏傳吳隱之宅有茅茨六閤新唐書宋璟傳廣人以竹茅茨屋多火璟教之陶瓦築堵

艸之凡以茅葦葢屋從艸次聲 七入切

說文解字義證

茨也者廣雅同通俗文覆蓋曰芑一切經音義十三以草蓋屋為芑說文芑芑也芑覆也亦補治也考工記匠人芑屋參分疏云芑屋謂草屋襄三十一年左傳繕完芑牆杜注芑覆也釋文謂以草覆牆也昭二十三年傳叔孫所館者雖一日必芑其牆屋社云芑補治也楚詞九歌芷芑兮荷屋注云芑蓋屋也顏延年陶徵士誄芑宇家林

𦰇 芑也從艸益聲 古太切

苦也者九經字統引字統同又曰覆也釋器曰蓋謂之苦孫炎曰白蓋茅苦也李巡云編管茅以蓋屋曰苦襄十四年左傳乃祖吾離被苦蓋杜云蓋苦之別名成二年傳所蓋多矣杜云蓋覆也晏子皆有蓋廬以避燥濕文選九歌築室兮水中芑之兮荷蓋五臣云願築室結茅於水底用荷葉蓋之孫登別傳登處山中以石室為宇編草自覆阮籍聞而造焉適見苦蓋

𦰇 蓋也從艸占聲 失廉切

蓋也者一切經音義六引字林苦茅苦也玉篇同襄十七年左傳寢苦枕草釋文苦編草也昭二十七年傳或取一

𦰇 蓋也從艸渴聲 於蓋切

編管焉杜云編管苦也晉書郭文傳倚木於樹苦覆其上而居焉劉氏新論貴農篇霜雪巖巖苦蓋不可以代裘

𦰇 蓋也者或借闕字周禮圉師 茨牆則翦闕注云闕苦也

𦰇 𦰇也從艸屈聲 區勿切

𦰇 𦰇也者屈𦰇聲近今俗猶謂洗滌 曰𦰇𦰇字或從竹廣雅籒謂之刷

𦰇 屏也從艸潘聲 甫煩切

屏也者廣韻藩籬也亦藩屏也蒼頡篇藩蔽也詩板价人維藩傳云藩屏也又崧高四國于蕃箋云為之蕃屏周禮掌舍設車宮轅門注云次車以為藩襄二十九年左傳晉國不恤周宗之闕而夏肆是屏昭九年傳文成康之建母弟以蕃屏周昭二十六年傳昔武王克殷成王靖四方康王息民竝建母弟以蕃屏周定四年傳選建明德以藩屏周哀十六年傳舍諸邊竟使衛藩焉杜注使為藩屏之衛謝承後漢書涼州國家藩衛華嶠後漢書趙壹柴車草

說文解字義證

卷四

見

屏露宿其旁晉武帝詔列土樹蕃晉百官表注王者封建
設藩屏魏志明帝詔封建諸侯所以藩屏王室也覆案此
皆言藩屏也廣雅藩籬也本書籬蔽也易大壯九三羝羊
觸藩正義藩籬也周禮司險國有故則藩塞阻路而止
行者又土方氏注為之藩羅疏云謂若掌舍設柵柵之時
則此官亦為王於外周而樹藩羅昭十三年左傳乃藩為
軍杜云藩籬也哀十二年傳吳人藩衛侯之舍襄二十七
年傳以藩為軍莊子大宗師吾願游乎其藩袁山松後漢
書范丹弟子見丹藩不完載柴將藩之丹拔柴載還之謝
承後漢書陳囂鄰人竊其藩地自益囂密移其藩一丈地
以益之王隱晉書郭文依山結廬山多虎豹文獨無藩籬
格障晉書許邁傳以桓山近人不得專一四面藩之又庚
亮父與子弟樹籬晚以授條汝南先賢傳李篤有室無藩
通鑑韋叔所至頓舍館宇藩牆皆應準繩又胡注流求國
樹棘為藩籬案
此皆言藩籬也

𦵏

酢菜也從艸沮聲

側魚切

酢菜也者聲類菹藏菜也字或作菹釋名菹阻也生釀之
遂使阻於寒溫之間不得爛也楚辭離騷后辛之菹醢兮

注云藏菜曰菹益州記菹之莖蜀人於冬月取以春碎炙
之水淋一宿為菹荆楚歲時記仲冬之月采顯菁葵等雜
菜乾之並
為鹹菹

𦵏 或從皿

𦵏 或從缶

本書血部盞醢也從血菹聲或從缶作醢案周禮醢人掌共
五齊七菹凡醢物以共祭祀之齊菹凡醢醬之物賓客亦如
之鄭注齊菹醬屬醢人者皆須醢成味賈疏五齊七菹凡醢
物乃醢人所掌豆實而列此職者齊菹醬皆須醢成味故與
醢人共掌之又醢人掌四豆之實朝事之豆其實韭菹菁菹
苽菹饋食之豆其實葵菹加豆之實芹菹筍菹酸案血
部之菹醬也鄭氏謂作醢塗置瓶中百日則成故又從缶至
若菹之或體既從皿矣又從缶缶非皿乎蓋血部二字闕入
於此改從皿耳醢肉醬也故菹從血廣雅蓋謂之菹
玉篇蓋字屬血部下文蓋或從皿皿器也因之而誤

𦵏 芥脆也從艸全聲

此緣切

說文解字義登

卷四

五

芥脆也者本書纂讀若以芥為齋名曰芥荃也六書故引
鼂說之曰芥脆之荃當从唐本初劣切馥案公會大夫禮
芥醬注云芥實醬也馥謂
實為醬莖葉根為荃也

𦉳 非鬱也從艸酷聲苦步切
非鬱也者非菹也廣雅酷菹也蒼頡解詁
酷酢菹也內則免為宛脾注云宛或作鬱

𦉴 瓜菹也從艸監聲魯甘切
瓜菹也者廣雅蓋菹也廣韻蓋瓜菹詩信南山疆場有瓜
是剝是菹傳云剝瓜為菹也箋云剝削淹漬以為菹
聲者當為濫聲篆文脫水旁因誤為監也李燾本注云類
篇集韻從艸從水馥案玉篇作濫釋名菹阻也生壤之遂
使阻於寒溫之
間不得濫也

𦉵 菹也從艸沝聲直宜切
菹也者萃菹也集
韻菹菹小萃也

𦉶 菹或從皿皿器也
𦉷 乾梅之屬從艸稜聲周禮曰饋食之籩其實乾稜後
漢長沙王始煮艸為稜盧皓切

乾梅之屬者梅當為某本書某酸果也初學記二十六引
陸氏毛詩草木疏梅杏類也其子赤而酢不可生噉煮而
暴乾為蘇可著羹臠中夏小正五月煮梅傳云為豆實也
蜀志蜀人名梅為稜廣志蜀名梅為稜大如雁子梅杏皆
可以為油脯黃梅以熟稜作之寰宇記洪州貢梅煎唐開
元二十五年都督韓朝宗以梅煎難得取乳相代周禮
曰饋食之籩其實乾稜者天官籩人注云乾稜乾梅也
有桃諸梅諸是其乾者馥案內則飲有濫注云以諸和水
也紀莒之閉名諸為濫釋文云乾桃乾梅皆曰諸後漢
長沙王云云者後漢二字非許氏所稱後人加之案光武
封興為
長沙王

𦉸 稜或從潦

艸部 煎菜莢從艸類聲漢律會稽獻蕝一斗魚既切


煎菜莢者趙宦光曰今稱菜莢醬本草食菜莢圖經云蜀人呼其子為艾子蓋禮記所謂蕝者蕝艾聲譌故云耳通志樞子曰食菜莢曰越博雅云樞越與吳菜莢俱有蕝名內則云三牲用蕝是樞子也王應麟急就篇補注云賀氏云今蜀郡九月九日取菜莢折其枝連其實廣長四五寸一升實可和十升膏名之曰蕝楊慎曰蕝魚既切說文玉篇俱云煎菜莢也漢令會稽郡歲貢蕝子一斗字一作艾楊雄蜀都賦木艾椒離本草蜀州食菜莢甚高大育長及百尺者蜀人呼其子為艾子宋景文公艾子贊曰綠實若莢味辛香苾投粒蕝離椒桂之匹范石湖成都古今記云艾子菜莢類也實正經味辛蜀人每進酒輒以一粒投之少頃香滿盃醖但蕝與艾葢一物相似有食菜莢蕝菜莢之分如川芎有茶芎蕝芎之別也漢律會稽獻蕝一斗者內則三牲用蕝鄭注蕝煎菜莢也漢律會稽獻蕝許冲上說文表自周禮漢律皆當學六書貫通其意漢書刑法志相國蕭何攬拾秦法取其宜於時者作律九章晉書刑法志魏文侯師李悝撰次諸國法著法經六篇商君受之以相秦漢承秦制蕭何定律三篇合為九篇叔孫通益律

所不及秀章十八篇張湯越宮律二十七篇趙禹朝律六篇合六十篇

艸部 蕝菜也從艸宰聲阻史切

蕝菜未聞徐錯曰案字書辛菜也集韻類篇或作芾

艸部 擇菜也從艸右右手也一曰杜若香艸而灼切

玉篇有籀文作馥案斥彰長田君碑養善書春陽隸續云若字

擇菜也者詩關雎參差若菜左右芼之傳云芼擇菜也釋言芼搯也郭注擇菜也馥案若從右即詩左右之意右也者本書又手也右手口相助也一曰杜若香艸者本草杜若一名杜蘅一名若芝生武陵川澤及冤句陶云葉似薑而有文理根似高良薑而細味辛香又絕似旋復根殆欲相亂葉小異爾此艸一名杜蘅今復別有杜蘅不相似馥案王微四氣詩蘅若首春華亦分杜蘅杜若為二艸楚詞九章采芳洲兮杜若范子計然杜若出南郡漢中大者善列子周穆王篇珮玉環雜芷若注云芷若香艸淮南修務訓雜芝若高注雜佩芝若香艸後漢書馮衍傳築

說文解字義證 卷四

蕙若而為室注云若杜若也神女賦沐蘭澤含若芳子虛賦
若射干五臣云若杜若也長門賦搏芬若以為枕兮
舞賦順微風揮若芳景福殿賦芸若充庭李善並云若杜
若七發掄流波雜杜若李云言雜杜若以為芳七啟薰以
幽若李云若稱幽若猶蘭曰幽蘭也沈約杜若詩不願逢
采蘋本欲芳幽人江淹擬陳思王詩徒倚拾蕙若又杜若
須山中杜若嘉爾翠質不奇不俗載華載實
同銜夕露共炯朝日夷陂無二沈冥如一

葦 蒲叢也者廣雅蒲穗謂之葦類篇葦艸叢生

艸 以艸補缺從艸因聲讀若口或以為綴一曰約空也

以艸補缺者玉篇箇以竹補缺蓋因箇別造此字 讀若
下闕小字本作陸徐錯本作俠 或以為綴者綴當為輟
本書輟車小缺復合者 一曰約空也者徐借曰約空謂
木工以直木附於曲木並之有空不合處則以物附墨筆

中以物亞開之隨曲木畫之使如曲木然後隨所畫斲之則附合謂此也

葦 叢艸也者廣雅葦聚也魏都賦嘉穎離合以葦葦南都賦

森葦葦而刺天西京賦葦葦蓬昔馥案葦葦當為葦葦玉
篇葦葦艸叢生也晉書衛恆傳禾卉葦葦以垂穎

葦 艸田器從艸條省聲論語曰以杖荷蓑今作蓑徒弔切

艸田器者韻會引徐錯本作芸田器本書蓑田器也 條
省聲者當為攸聲 論語曰以杖荷蓑者彼作蓑包注蓑
竹器皇侃疏籬簾之屬釋文蓑本又作蓑
馥謂荷當為何 今作蓑者後人加之

蓑 雨衣一日蓑衣從艸卑聲一日蓑蓑似鳥非扶歷切

一切經音義二三蒼蟬艸名也又云蓑鼠
莞也似龍鬚 高士傳老萊子蓬蓑為屋
雨衣者本書樓榭欄也可作蓑 一日蓑衣者本書蓑艸
雨衣秦謂之蓑 廣雅蓑謂之蓑 一日蓑蓑似鳥非者徐

中人古文贊象形論語曰有荷臾而過孔氏之門

論語曰有荷臾而過孔氏之門者彼作贊何晏云贊

艸器也馥謂荷當為何臾當為臾本書贊贊並從臾

覆也者徐錯本作艸

艸重席從艸因聲切

車重席者一切經音義三引車下有中字急就篇鞞鞞鞞

右曰車席太美吾將何以履之韓詩外傳遭齊君重鞞而

上葇也又霍光傳作乘輿輦加畫繡網馮顏注茵葇也又甯成傳同

丙吉傳此不過汗丞相車茵耳顏注茵葇也又甯成傳同

策拂茵五臣云茵車中席後漢書班固傳乘茵步輦注云

茵褥也漢舊儀皇后婕妤乘輦餘皆以茵四人輿以行鹽

鐵論散不足篇古者皮毛草葇無茵席之加旃蓐之美及

其後大夫士復薦草綠蒲平單莞庶人則草蓐索經單

遵條而已今富者繡茵翟柔蒲子露林中者獲皮代旃闌

坐平莞字或作細傅子房陵都尉戰有功太祖賜嚴裘豹裯

司馬相如說茵從革

司馬相如說者相如有凡將篇藝文志凡將則頗有出矣

蓋謂非倉頡中正字也茵從革者釋名文鞞車中所坐

者也用虎皮有文采因與下舉相連著也詩小戎文茵暢

鞞傳云文茵虎皮也釋文云文茵以虎皮為茵茵車席也

楚語皮革羽毛注云皮虎豹皮也所以為茵鞞

梁簡文謝賚貂坐褥席啟東瀛美毳北朔文茵

刈艸也者昭十三年左傳淫芻蕘者釋文引本書云芻割

草也孟子芻蕘者往焉漢書賈山傳芻蕘採薪之人顏注

芻刈草也南齊武帝紀臨沂縣麥不登刈為馬芻象包

束艸之形者包當為勺宋書柳恩傳縣差為征民充乙士

使伐馬芻恩常負大束兼倍餘人趙宦光日初刈日蕘既束日芻成葵日芟

艸 𠂔 乾芻從艸交聲 一曰牛斲艸 古肴切

乾芻者聲類同玉篇芻芟草書費誓時乃芻芟鄭注芟乾芻也史記河渠書民芟牧其中索隱芟乾草也漢書趙充國傳芟稊二十五萬二百八十六石顏注芟乾芻也一曰牛斲艸者釋草芟牛斲注云今馬斲葉細鏡似芹亦可食本草馬芹子味甘辛調味用之香似橘而無苦味唐本注云生水澤芻苗似鬼鍼蒸菜等花青白色子黃黑色似防風子蜀本圖經云花若芟花子如防風子而扁大

𠂔 亂艸也從艸步聲 薄故切

亂艸也者玉篇芟牛馬艸亂稊也

𠂔 飲馬也從艸如聲 人庶切

飲馬也者飲當爲食詩柔亦不茹方言茹食也

𠂔 斬芻從艸坐聲 巖臥切

詩鴛鴦推之秣之傳云推莖也箋云推今莖字也字或作到陳書始興王傳叔陵以到藥刀所後主中項金陵記南朝計吏止於傳舍將去以到馬草瀉井中謂無再過之期矣不久復至汲水遞飲遂爲昔時之到刺喉而歿故後人戒曰千里井不瀉到

斬芻者本書銜莖所刀也當爲斫莖急就篇糟糠汁滓稊莖芻顏注莖細斫稊也漢書尹翁歸傳有論罪輸掌畜官使斫莖顏注莖斬芻後漢書第五倫傳躬自斬芻養馬王隱晉書陶侃母撒牀雜蔣手到給客牛馬廣州先賢傳羅威有鄰家牛數食其田禾既不可止遂爲斷芻多著牛家門中不令人知

𠂔 食牛也從艸委聲 於僞切

食牛也者字或作餒古文苑僮約餒會馬牛鼓四起坐夜半益芻或借委字詩鴛鴦箋云馬無事則委之以莖釋文云委猶食也

𠂔 以穀麥馬置莖中從艸敕聲 楚革切

以穀萎馬置莖中者玉篇蔽以穀和草餒馬也周禮太宰
七日芻秣之式注云芻秣養牛馬禾穀也齊民要術馬有
三芻一曰惡芻二曰中芻三曰善芻善芻飢時與惡飽時與
到草粗雖是豆穀亦不肥充細到無節筮而食之者令馬
肥史記范雎傳坐須賈於堂下置
莖豆其前令兩黠徒夾而馬食之

𦉳

蠶薄也從艸四聲

蠶薄也者木書或說曲蠶薄也薄蠶薄玉篇蒲德也養蠶
器也案德即特之異文蠶槌也方言薄未魏陳楚江淮之
閒謂之蒲或謂之麴自關而西謂之薄南楚謂之蓬薄史
記絳侯世家勃以織薄曲為生索隱云謂勃本以織蠶薄
為生業也卓昭云北方謂薄為曲許君注淮南云曲葦薄也字或作簡廣雅曲謂之薄

𦉳

行蠶蓐從艸族聲

行蠶蓐者木書蓐族也四民月令四月蠶入族時齊民要
術養蠶法收取種繭必取居族中者古文苑元后詠帥導
羣妾成循蠶族注云族竹器以茅藉之承老蠶作繭司
馬徽別傳人有臨蠶求微族者便以與之自棄其蠶

𦉳

束葦燒從艸巨聲

束葦燒者後漢書皇甫嵩傳注引作束葦燒之華嚴經音
義說文曰苕謂束薪而灼之謂大燭也珠叢曰苕謂束草
蒸火以照之也荆楚歲時記正月末日夜蘆苕火照井廁
中字或作炬通鑑東昏侯嬖臣因運荻炬束仗入南北掖
門作亂注云荻炬者束荻為火炬用也

𦉳

薪也從艸堯聲

薪也者昭十三年左傳淫芻蕘者正義引本書同又云然
則蕘者共燃火之草也詩板詢于芻蕘傳云芻蕘薪采者
釋文引本書蕘草薪也長楊賦蹂踐芻蕘李善引本書蕘
艸薪也穀案二書所引並有艸字漢書賈山傳芻蕘採薪
之人揚雄傳麋鹿芻蕘顏注並云
蕘草薪馥謂草薪別於木薪也

𦉳

蕘也從艸新聲

蕘也者管子輕重甲篇山林菹澤草萊者薪蒸之所出急
就篇薪炭菹葦炊孰生顏注取木而然之曰薪釋木謂櫬

采薪采薪即薪郭云指解今樵薪詩揚之水不流束薪白
華樵彼桑薪無羊以薪以蒸箋云麤曰薪細曰蒸周禮甸
師帥其徒以薪蒸注云木大曰薪小曰蒸又委人喪紀共
其薪蒸木材注云薪蒸給炊及燎麤者曰薪細者曰蒸月
令收秩薪柴注云大者可折謂之薪小者合束謂之柴薪
施炊爨柴以給燎淮南時則訓乃命四監收秩薪柴以供
寢廟及百祀之薪燎注云大而可折謂之薪
小而可束謂之柴薪燎炊也爨及夜燎之屬

折麻中榦也

從艸烝聲

者仍切

本書敢

折麻中榦也者折廣韻增韻類篇并作折謂去粗留細以
束薪也管子弟子職蒸閉容蒸然者處下趙用賢曰古者
束薪蒸以為燭蒸細薪也少寬其束使其蒸閉可各容一
蒸以通火氣又使已然者居上未然者居下則火易然也

生泉也

從艸焦聲

即消切

後漢書王符傳徒御僕妾皆服葛子升越蒲中葉布注云蕉
布之品有三有蕉布有竹子布又有葛焉 毛居正曰葛越
南方布名左思吳都賦蕉葛升越是也蓋葛即葛藟之葛越
則麻苧蕉葛草之屬皆是 唐書地理志郢州富水郡貢紵
蕉布葛

生泉也者未練治也

本書僞未練治也

式視切

或借矢字文十八年左傳殺而埋之馬矢之中莊子人閉世
夫愛馬者以筐盛矢以蜃盛溺荀子榮辱篇所謂以狐父之
戈鑄牛矢也史記廉頗藺相如列傳廉將軍雖老尚善飯然
與臣坐頃之三遺矢矣索隱云謂數起便也又通豕字孟榮
本事詩則天朝左司郎中張元一嘲武懿宗詩云騎豬向南
趨謂夾豕走也俗又作屎莊子知北游篇道在屎溺意林引
抱朴子欲得長生腹中清欲得不灰腹無屎吳歷孫亮使黃
門至中藏取蜜蜜中有鼠屎令破屎屎裏燥亮曰屎久蜜中
中外當俱溼今裏燥必黃門所為通鑑賈直言責劉從
諫曰自謂不潔淋頭竟至羞死注云今人謂屎為不潔

說文解字

卷四

糞也者本書彙引官溥說似米而非米者矢字矢當作齒

𦵏

瘞也從艸狸聲

莫皆切

瘞也者本書瘞幽薶也釋天祭地曰瘞薶周禮大宗伯以薶沈祭山林川澤俗作埋司巫凡祭祀守瘞注云謂若祭地祇有埋牲玉者也祭法瘞埋於泰折祭地也

𦵏

喪藉也從艸侵聲

夫廉切

喪藉也者經典借苦字檀弓寢苦枕干喪服傳居倚廬寢苦注云寢苦者哀親之在艸

𦵏

斷也從斤斷艸譚長說

會列切

斷也者廣雅折分也漢書五行志中木曰折詩魚麗傳草木不折不芟斧斤不入山林正義云謂寒霜之勁暴風又甚草木枝折葉隕漢書師丹傳上所折中定疑顏注折斷也易賁卦无敢折獄鄭云折斷也書呂刑折民惟刑傳云斷以法韓詩外傳鮑叔薦管仲曰決獄折中臣弗如也秦策剗腹折頤高云折斷少儀太牢則以牛左肩臂臠折九

簡注云折斷分之也譚長說者徐鉉謂當作鄂

𦵏

籀文折從艸在久中久寒故折

久寒故折者文子冬久可折

𦵏

篆文折從手

本書誓誓整折斐折哲哲逝若十字並從篆文

𦵏

艸之總名也從艸屮

許偉切

艸之總名也者纂要春草曰芳卉釋艸卉草郭注百草總名方言卉草也東越揚州之閩曰卉文選吳都賦卉木賦蔓五臣云卉百草總名楚人語也書禹貢島夷卉服鄭注草服詩出車卉木萋萋四月百卉具腓傳並云卉草也山有嘉卉箋云山有美善之草

𦵏

遠荒也從艸九聲詩曰至于芄野

巨鳩切

遠荒也者埤蒼同 詩曰至于芄野
者小雅小明文傳云芄野遠荒之地

𦉳𦉳 菹菜從艸祿聲 蘇貫切

本書豨小蒜也 夏小正十有二月納卵蒜 古今注蒜卵
蒜也俗人謂之小蒜胡國有蒜十許子共為一株籜幕裏之
名為胡蒜尤幸於小蒜俗人亦呼之為大蒜 博物志張騫
使西域得大蒜胡荽 延篤與李德書折張騫大宛之蒜
東觀漢記李恂為兗州刺史所種小麥胡蒜悉付從事一無
所畱 顏氏家訓書證篇三輔決錄云前隊大夫范仲公鹽
豉蒜果共一箇果當作顆蒜顆是俗闕常語耳 抱朴子齋
麥大蒜仲夏而枯 四民月令布穀鳴收小蒜六月七月可
種小蒜八月可種大蒜 攝生月令四月勿食大蒜 宏君
舉會檄大市覆罌之蒜 新唐書地理志漢中郡貢夏蒜
葷菜者爾雅釋文引同又引一本云菜之美者雲夢之葷
菜御覽引同急就篇芸蒜薺芥菜莢香顏注蒜大小蒜也
皆辛而葷名醫別錄有葫有蒜陶云今人謂葫為大蒜謂
蒜為小蒜以其氣類相似也圖經云說文所謂葷菜者乃
今大蒜也養生要訣云
大蒜毋食葷辛害目

左文五十三 重二 大篆從艸

徐錯本無此文案左文五十三謂下文自芥以
下至葷五十三字也重二謂藻葦兩字也大篆
從艸謂此五十三字在大篆皆從艸也今艸部
艸從艸大
篆從艸大
篆從艸也

𦉳 菜也從艸介聲 古拜切

劉向別錄尹都
尉書有種芥篇

菜也者一切經音義六引字林芥辛菜也顏注急就篇芥
亦有大小二種本草芥味辛溫陶云似菘而有毛味辣好
作菹亦可生食圖經云芥之種亦多有紫芥莖葉純紫多
作齏者食之最美有白芥舊云從西戎來又云生河東今
近處亦有其餘南芥旋芥花芥石芥之類皆
菜茹之美者公食大夫禮芥醬注云芥實也

𦉳 菜也從艸息聲 倉紅切

說文解字義登 卷四 芥

別錄尹都尉
有種蔥書

菜也者本草蔥實唐本注云人閒會蔥有二種凍蔥即經冬不冰分莖藏蒔而無子也又有漢蔥冬即葉枯凍蔥最善氣味亦佳古文苑僮約別茹披蔥注云菜茹別其種而植蔥披散而植之四月民月令三月別小蔥六月別大蔥齊民要術種蔥良地三剪薄地再剪八月止不止則蔥無袍而損白曲禮蔥漆處末注云蒸蔥也繆襲祭儀秋祀和羹芼以蔥吳均說餅河東長若之蔥東晉餅賦薑株蔥本萃縷切判

葷 艸也從艸霍聲詩曰會鬱及葷 余六切

艸也者釋草葷山韭南山經招搖之山有草焉其狀如韭注引爾雅葷山多有之或借推字後漢書馬融傳其土毛則推牧薦草 詩曰會鬱及葷者幽風七月文彼作莫韓詩作葷鬱當作鬱

葷 亭歷也從艸單聲 多於切

亭歷也者釋草文郭注實葉皆似芥急就篇亭歷枯梗龜骨枯顏注亭歷一名丁歷一名葷一名狗薺廣雅狗薺大

至亭歷也本草亭歷一名丁歷一名葷蒿一名大室一名大適陶云子細黃至苦圖經云初春生苗葉高六七寸有似薺根白枝莖俱青三月開花微黃結角子扁小如黍粒微長黃色夏後采實月令孟夏之月靡草灰許鄭並云靡草薺葷葷之屬是也至夏則枯灰故此時采之師曠占歲欲饑苦草先生葷也韓非難勢篇此味非飴蜜也必苦葷亭歷也鹽鐵論葷歷似菜而殊味淮南繆稱亭歷愈張高云葷名周牌算經凡北極左右物有朝生暮穫謂亭歷冬生之類西京雜記董仲舒云葷葷灰于盛夏居氏春秋在地篇孟夏之昔殺三葉高注三葉薺亭歷游冥也是月之季枯灰四月民月令四月收蕪菁及芥葷葷元和志曹州貢葷葷

艸 艸也從艸句聲 古厚切

艸也者急就篇苟貞夫顏注苟艸名也所居饒之因以命氏玉篇苟菜也

葷 葷也從艸厥聲 居月切

詩葷蟲言采其蕨 齊民要術引陸璣疏云蕨山菜也初生似蒜莖紫黑色二月中高八九寸先有葉淪為茹滑美如葵

說文解字義登 卷四

葷

今隴西天水人及此時而乾收秋冬嘗之又以進御三月中
其端散為三枝枝有數葉葉似青蒿而麤堅長不可食周秦
曰蕨齊魯曰釐文選謝靈運酬惠連詩野蕨漸紫苞廣
雅蕨藜蕨也馥案爾雅翼野人今歲焚山則來歲蕨榮繁生
其舊生蕨之處蕨葉老硬放披人誌之謂之蕨基廣雅云蕨
紫其基豈其之轉耶李時珍曰紫其似蕨有花而味苦謂之
迷蕨初生亦可食搜神記郗鑿鎮丹徒二月出獵有甲士
折蕨一枝食之覺心中淡淡成疾後吐一小蛇懸屋前漸乾
成蕨遂明此物不可生食之也

鼈也者釋草文蕨鼈聲近詩釋文云俗云其初生似鼈脚
故名焉沈約郊居賦陸弁則紫鼈絲蔬六書故其有蕨其
初出土紫色拳如小兒手可
會馥謂此初生似鼈脚之證
蘇禾
廣雅地毛莎蔕也漢書地理志清河郡懸縣顏注懸古
莎字司馬相如傳蔕蔕青蔕張揖曰莎蔕蔕也顏云莎即今
青蔕草文選射雉賦青蔕蔕蔕徐爰注蔕草名楚詞曰青
蔕蔕樹則蔕色青也晏殊庭蔕記是草耐水旱樂延蔓維

拔心隕葉
弗之絕也

錫侯也者釋草文夏小正編也者莎隨也本草莎艸一名
蒿一名侯莎玉篇莎艸也蒿莎草一名莎侯馥案衆讀錫
侯不連本書引釋艸
原文當云錫侯莎

萍也者萍當為草徐錯韻譜萍艸也文選謝靈運詩自從
會萍來季善注引毛詩會野之萍後人多用萍為浮萍字
萍聲者本
書無萍字

萍也者萍當為草徐錯韻譜萍艸也文選謝靈運詩自從
會萍來季善注引毛詩會野之萍後人多用萍為浮萍字
萍聲者本
書無萍字

艸也根如薺葉如細柳烝食之甘從艸董聲居隱
艸也者詩大雅董茶如節傳云董菜也正義云釋草云茭
董草郭璞曰即烏頭也江東人呼為董然則董者其烏頭
也嚴氏詩緝曰孔氏謂董即烏頭此則與鴉毒同與董茶
可食之物非其類馥案釋艸董字當為董本草董汁味甘
寒無毒唐本注云此野生非人所種俗謂之董菜葉似蕨
花紫色夏小正二月榮董傳云董菜也公會大夫禮繡莖

說文解字義登

卷四

卷

牛萑羊苦豕薇皆有滑注云滑萑苳之屬內則萑苳枌榆
兔藟滌瀾以滑之注云冬用萑後漢書馬融傳芝蒿萑苳
注云萑菜花紫葉可食而滑根如薺葉如細柳烝食之
甘者釋草藟苦萑郭注今萑葵也葉似柳子似米泔食之
滑陽居賦萑藟甘旨樂府放歌行蓼蟲避葵萑
言其食苦不知甘荆州記綠城隄邊悉植細柳

苳 苳也從艸非聲切 芳尾

坊也者釋草文孫炎云昔類也詩谷風采葑采菲無以下
體傳云葑須也菲苳也下體根莖也箋云此二菜者蔓菁
與葑之類也皆上下可食陸疏云菲似葑莖麤葉厚而長
有毛三月中烝鬻為茹滑美可作羹幽州人謂之苳爾雅
謂之苳菜今河內人謂之宿菜坊
記引詩采葑采菲注云菲當類也

菲 菲也從艸勿聲切 文弗

菲也者釋草菲苳菜郭云菲草生下溼地似蕪菁華紫赤
色可食瓊案郭說即菲苳而又以菲苳為土瓜某氏於菲
苳菲苳菜下皆
引詩采葑采菲

艸 艸也從艸鷓聲切 呼肝

案本書艸艸也難
鷓一字當有重出

葑 葑也從艸葑聲切 胡官

經典或省作葑易說卦震為葑葑荀本葑作荻復案晉書童
謠官家養蘆花為荻廣雅蘆葑也詩小弁葑葑汎汎淮南說
林訓葑葑有葑莊子則陽篇葑葑葑葑葑葑葑葑葑葑葑葑
年左傳取人於葑苳之澤周禮司几筵其柏席用葑注云葑
如葑而細者又大司徒土會之法原隰其植物宜葑物先鄭
云葑物葑葑之屬特牲饋食禮藉用葑公會大夫禮加葑席
尋注並云葑細葑也 又或作葑夏小正七月葑葑葑葑日
未莠則不為葑葑葑然後為葑葑穆天子傳天子射獸休于
深葑注云
葑葑之屬

葑也者陸璣詩疏葑一名葑至秋堅成則謂葑漢書鼂錯
傳葑葑竹蕭顏注葑葑也貨殖傳葑蒲材幹顏注葑葑也
即今之
荻也

大葭也者詩八月萑葭傳云葭為葦正義云初生為葭長

大為葦成則名為葦小大之異名急就篇薪炭萑葦炊孰

生顏注葭為葦謂葦也漢書終軍傳南越

竄屏葭葦顏注葭葦也成長則曰葦也

葭之未秀者從艸叢聲切古牙

釋草葭華郭云即今葦也又葭葦郭云葦也詩碩人葭蒹

揭揭傳云葭葦高士傳老萊子萑葦為牆先賢傳鄭敬

以葦葭為席

葭之未秀者夏小正傳葦未秀為葦詩騶虞彼茁者葭

傳云葭葦也箋云記葦始出者正義引李巡曰葦初生史

記司馬相如傳其卑澤則生葭葦

葭葦郭璞曰葭葦也似葦而細小

葭葦也從艸來聲切洛哀

詩小雅北山有萊傳云萊草也陸疏萊草名其葉可食今竟

州人蒸以為茹謂之萊蒸馥案齊民要術引云萊藜也莖葉

皆似萊王芻說苑引楚人歌曰薪乎萊乎陳敬源曰萊

亦名藜本草綱目云即灰藿之紅心者莖葉稍大河朔人名

落藜南人名胭脂菜亦曰鶴頂草娛時可食

老則莖可為杖原憲藜杖應門即是物也

蔓華也者釋草文萊彼

作釐郭云一名蒙華

廣雅馬薺荔也本草蠡實馬薺子也出冀州圖經曰馬薺

子生河東川谷葉似薺而長厚管子地員篇其種大荔細

荔漢蒼梧郡有荔浦縣列仙傳寇先生者宋人也好種

荔食其葩實焉通鑑兩朱兆曰夢吾先人登高邱邱地

耕之已熟獨餘馬薺先人命吾拔之隨手而盡程君瑤田

書證篇月令荔挺出鄭元注云荔挺馬籬也說文云荔似蒲而小根可為祓廣雅云馬薙荔也通俗文亦云馬薙易統通卦驗元圖云荔挺不出則國多火災蔡邕月令注荔挺為草挺高誘注呂氏春秋云荔草挺出也然則月令注荔挺為草名誤矣馥案荔似挺圖經引作荔以挺出後漢書陳寵傳十一月有蘭射干芸荔之應注云荔馬薙高誘注淮南云荔馬荔草又注呂氏春秋云荔馬荔挺生也王粲公讌詩百卉挺葳蕤為挺出本書全象物出地挺生也王粲公讌詩百卉挺葳蕤王逸楚辭注葳蕤草木初生貌本草衍義馬薙葉牛馬皆不食為纒出土葉已硬也馥謂挺出之義因此隋崔挺字雙根荔能挺出者亦以根多且堅也本草一名三堅謂葉根實似蒲而小者玉篇蒲似莞莞似蒲顏氏家訓書證篇江東頗有此物人或種於階庭但呼為旱蒲故不識馬薙史記司馬相如傳其高燥則生葳蕤徐廣曰草似蒲根可作祓者本書薙祓也嘉祐圖經荔根細長通黃色人取以為刷程君瑤田曰荔根可作祓今北方東其根以祓鍋案織布帛者束荔之長根以理經絲亦謂之祓



玉女也從艸冢聲 莫紅切

管子地員篇 小辛大蒙

玉女也者釋草文郭云蒙即唐也女蘿別名馥案詩桑中爰采唐矣傳云唐蒙菜名似與郭異又蒟醬名曰蜀唐蒙因其似唐蒙而出於蜀非詩傳所稱者



水艸也從艸從水巢聲詩曰于以采藻 子皓明

廣雅麥菜藻也馥案類篇藻麥艸名 玉篇藻水中菜也東觀漢記鄧禹與赤眉戰敗走軍士飢餓皆食藻菜 師曠占歲欲惡惡草 先生藻是也

水艸也者本書藻飾如水藻之文周禮巾車藻車藻蔽注云藻水草蒼色詩魚在藻箋云藻水草也文選吳都賦彫啄蔓藻五臣云蔓藻水草 詩曰于以采藻者召南采蘋文彼作藻傳云藻聚藻也陸疏藻水草也生水底有二種其一種葉如雞蘇莖大如箸長四五尺其一種莖大如欽股葉如蓬蒿謂之聚藻北山經其祠之皆用一藻莖瘞

之注云藻聚藻漢書司馬相如傳唼喋菁藻郭璞曰藻聚藻也司馬貞曰左傳云蘋蘩藇藻藇即聚也

或從澡者詩采蘋箋

云藻之為言澡也

𦵏

王芻也從艸采聲詩曰采芻猗猗

力玉切

王芻也者釋草文郭云芻葍也今呼鴨脚莎詩疏引某氏作鹿葍本草蓋草可以染黃作金色唐本注云葉似竹而細薄莖亦圓小生平澤溪湖之側荆襄人煮以染黃色極鮮好俗名芻葍草爾雅所謂王芻者也離騷葍蒹以盈室兮注云葍王芻也詩曰葍竹猗猗者衛風淇奧文彼作綠傳云綠王芻也釋文經爾雅作葍音同馥案詩綠竹韓詩作葍蒹陸璣以綠竹為一芻失之小雅終朝采葍箋云綠王芻也易得之菜也

𦵏

艸也從艸瞽聲

昨牢切

𦵏

艸也從艸鹵聲

以周切

艸也者僖四年左傳一薰一蕕十年尚猶有臭當作此適適氣行兒故从鹵

𦵏

艸也從艸沼聲

昨焦切

艸也者玉篇落子草藥廣韻落子草

𦵏

艸也從艸吾聲楚詞有葍蕭艸

吾乎切

呼荏為葍楚詞有葍蕭艸者今無此文

𦵏

艸也從艸汜聲

房交切

𦵏

艸也從艸乃聲

如乘切

艸也者增韻引云舊草不芟新草又生日芳廣韻芳草名謂陳根草不芟新草又生相因仍也所謂燒火芳者也字書芳艸陳新相積也玉篇作芴云草芴陳者又生新者列子黃帝篇趙襄子狩於中山藉芴燔林注云草不剪曰芴

𦵏

艸也從艸血聲

呼決切

艸也者類篇並地血菘也
馥案本草茜一名地血

𦰇

艸也從艸句聲

徒刀切

艸也者玉篇菊蒲菊後漢書西域傳卓弋國出蒲菊
魏文帝詔南方龍眼荔枝寧比西國蒲菊石蜜乎

𦰈

白苗嘉穀從艸己聲

驅里切

白苗嘉穀者釋草芑白苗郭注今之白梁粟皆好穀
詩生民維糜維芑傳云芑白苗也廣志有白莖粟

𦰉

水易也從艸齊聲詩曰言采其蕒

似足切

水易也者釋艸蕒牛脣郭注毛詩傳曰水蕒也如續斷寸
寸有節拔之可復本草澤瀉一名水蕒圖經云春生苗多
在淺水中葉似牛舌草而莖長劉向九歎筐澤瀉以豹鄴
今王逸云澤瀉惡草 詩曰言采其蕒者魏風汾沮洳文
傳云蕒水易也陸疏今澤蕒也其葉如車
前草大其味亦相似徐州廣陵人食之

𦰊

艸也從艸冬聲

都宗切

艸也者類篇引陸
詞曰芑芑冬生

𦰋

薺虞蓼從艸齊聲

所力切

薺虞蓼者爾雅釋文引作虞蓼徐錯韻譜同
玉篇澤蓼也一日虞蓼本書蓼辛菜薺虞也

𦰌

艸也從艸召聲

徒聊切

艸也者詩鵲巢邛有旨苕傳云苕草也陸疏苕苕饒也幽
州人謂之翹饒蔓生莖如勞豆而細葉似蒺藜而青其莖
葉綠色可生食
如小豆藿也

𦰍

艸也從艸林聲

莫厚切

𦰎

艸也從艸冒聲

莫報切

𦰏

鳧葵也從艸卯聲詩曰言采其菲

力久切

鳧葵也者本書薺鳧葵也廣雅苕苕鳧葵也西山經陰山其
草多苕苕注云苕苕葵也後漢書馬融傳桂桂苕苕注云

爾雅曰萹萑葵葉團似尊生水中今俗名水葵纂文曰萹葵其實可作醬本草萹葵生水中即萹葵也一名接余唐本注云南人名猪萹葵會圖經云萹葵即萹葵也葉似萹葵澀根甚長花黃色水中極繁盛顏氏家訓蔡明父名純諱純為露葵 耶馨者當為耶馨非從古文酉也增韻萹葵飽切本作萹从寅耶之耶惠棟曰汗簡古文尚書縮作萹按卯為古文酉是萹即萹也說文酉部有萹字而艸部又有萹字以為萹葵此必萹字之誤周禮醢人萹菹注云鄭大夫讀萹為茅君戾止言藉其農周禮醢人萹菹注云鄭大夫讀萹為茅也 詩曰言采其萹者小雅泂水文彼作薄采其萹傳云萹萑葵也釋文萹音卯徐音柳韋昭胡藻反萹葵也干寶云今之鄂躡草堪為萹江東有之何承天云此菜出東海堪為菹醬也鄭小同云江蘇人名之萹菜生陂澤中草木疏同又云或名水葵一云今之浮菜即猪萹也本草有萹葵陶宏景以入有名無用品解者不同未詳其正沈以小同及草木疏所說為得陸疏萹與苜蓿菜相似葉大如手赤圓有肥者著手中滑不得停莖大如匕柄葉可以生食又可齏滑美江南人謂之萹菜或謂之水葵諸陂澤水中皆

有

艸 苦茶也從艸余聲

同都切

苦茶也者釋草文郭云詩曰誰謂荼苦荼可食廣雅游冬苦菜也顏氏家訓書證篇詩云誰謂荼苦爾雅毛詩傳竝以茶苦菜也又禮云苦菜秀案易統通卦驗元圖曰苦菜生於寒秋更冬歷春得夏乃成今中原苦菜則如此也一名游冬菜似苦苣而細摘斷有白汁花黃似菊本草苦菜味苦寒一名茶草一名選一名游冬生益州川谷山陵道旁凌冬不凋詩經周原膺膺茶如節傳云茶苦菜也箋云周之原地膺膺然肥美其所生茶雖有性苦者甘如節也谷風誰謂荼苦其甘如薺傳云茶苦菜也箋云茶誠苦矣而君子於己之苦毒又甚於茶比方之茶則甘如薺楚辭故茶薺不同祇兮魏都賦甘茶伊蠶五臣云茶苦菜也古文苑僮約包鼈烹茶注云茶苦菜也煮以為茹呂氏春秋任地篇曰至苦菜成而資生淮南時則訓孟夏之月苦菜秀注云苦菜味苦感火之味而咸月令苦菜秀蔡氏章句云苦菜李時珍曰苦菜即苦苣也家栽者呼為苦苣實一物也春初生苗有赤莖白莖二種其莖中空而脆

折之有白汁葉似花蘿蔔葉而色綠帶碧上葉抱莖稍似
鶴嘴開黃花如初綻野菊一花結子一叢如荷蒿子花罷
則收斂子上有白毛昔
昔隨風飄揚落處即生

𦵏

白蒿也從艸係聲

附袁切

白蒿也者釋草繫儲蒿郭云白蒿又云繫由胡郭云未詳
又云繫之醜秋為蒿本草白蒿唐本注云此蒿葉粗於青
蒿從初生至枯白於秋蒿頗似細艾夏小正二月采繫傳
云繫由胡由胡者繫母也繫母者芴勃也皆豆實也釀案
詩鄭箋執繫菜者以豆薦繫菹言豆實也廣雅繫母芴勃
也詩召南于以采繫傳云繫醜蒿也陸疏繫醜蒿凡艾白
色為醜蒿今白蒿是也春始生及秋香美可生食又可蒸
會一名游胡北海人謂之芴勃故大戴禮夏小正傳云繫
游胡游胡芴勃也幽風春日遲遲采繫祁祁傳云繫白蒿
也所以生薑隱三年左傳蘋蘩蕒藻之菜杜云繫醜蒿楚
辭吳酸蒿婁王
逸注蒿繫草也

𦵏

𦵏也從艸高聲

呼毛切

𦵏也者釋草文郭注今人呼青蒿香中炙啖者為𦵏本草
𦵏香蒿也詩鹿鳴會野之蒿傳云蒿𦵏也陸疏蒿青蒿也
荆豫之閒汝南汝陰皆云𦵏也廣雅草蒿青蒿也本草草
蒿一名青蒿陶云即今青蒿人亦取雜香菜食之蜀本圖
經云葉似茵陳蒿而背不白高四尺
許江東人呼為狐蒿為其息似狐

𦵏

蒿也從艸蓬聲

薄紅切

詩召南彼茁者蓬傳云蓬草名也師曠占歲欲潦潦草先
生潦草者蓬也魯哀公曰秋蓬孤其根本密其枝葉說
苑敬慎篇是猶秋蓬惡於根本而美於枝葉秋風一起根且
拔也淮南說山訓見飛蓬轉而知為車蕪城賦藪藪風
威孤蓬自振古詩孤蓬轉霜根曹植詩轉蓬離本根飄
飄隨長風司馬彪詩百草應節生含氣有深淺秋蓬獨何
無由反商子禁使篇飛蓬遇飄風而行千里乘風之勢也
蒿也者楚詞七諫若縱火於秋蓬注云蓬蒿也史記老子
傳不得其時則蓬累而行正義蓬其狀若睡蒿細葉蔓生
於沙漠中風吹則根斷隨風轉移也莊子逍遙游篇斥
鷃翱翔蓬蒿之閒三輔決錄張仲蔚所居蓬蒿沒人

說文解字義登

卷四

九

艸部 籀文蓬省

𦵏 艸也從艸黎聲

郎溪切

艸也者釋名土青曰黎似藜草色也馥案藜似藿昭十六年左傳斬之蓬蒿藜藿管子小匡篇五穀不蕃而蓬蒿藜藿並興莊子徐無鬼篇逃虛空者藜藿桂乎蹠蹠之逕史記越世家陶朱公長男至楚莊生家負郭披藜藿到門是也藜又似蓬增韻藜草似蓬月令孟春行秋令則藜莠蓬蒿並興郭璞游仙詩朱門何足榮未若託蓬萊後漢書邊讓傳披髦秀於蓬萊藜即藜也藜又似藿可食韓非外儲說孟獻伯相魯堂下生藿藜說苑常食藿藜之實史記太史公自序藜藿之羹正義云藜似藿而表赤藜又可爲杖韓詩外傳原憲楮冠藜杖是也

藜實也從艸歸聲

驅歸切

藜實也者釋草紅龍古其大者藜藿藜實舍人云紅名龍古其大者名藜藿注急就篇云藜其實名差

艸盛兒從艸保聲

博葆切

艸盛兒者通俗文草盛曰萃生茂曰葆漢書武五子傳頭如蓬葆顏注草叢生曰葆

艸茂也從艸番聲

甫煩切

艸茂也者本書藜豐也引書庶艸繁森一切經音義九引書作蕃庶顏注急就篇蕃滋也易坤卦文言天地變化艸

蕃木

艸昔昔兒從艸聰省聲

而容切

艸昔昔兒者張衡南都賦阿那蒨昔漢書司馬相如傳叢以龍昔

艸兒從艸津聲

子僊切

艸兒者廣韻萍草茂貌出字林集韻云說文引詩萍萍者義李舟說馥謂舟所見本有引詩之文今闕

艸叢生兒從艸叢聲

祖紅切

艸叢生兒者集韻類篇引作叢馥謂當作叢叢叢聲相近本書叢聚也釋木灌木叢生又云木族生爲灌顏之推解

云族亦叢生也釋魚釋文云叢說文云草叢生也馥案孟子為叢驅爵者鷓也晉段灼引作藪藪亦叢草叢生之地字又作藪鹽鐵論論誹篇崔葦而有藪言物類之相從也

𦉳 𦉳斗櫟實也一日象斗子從艸昂聲自係切

藟斗櫟實也者俗作阜廣雅阜黑也急就篇縹緗綠執阜紫瓊顏注云阜黑色徐鉉曰櫟實可以染帛為黑色故曰草周禮大司徒山林其植物宜阜物先鄭云阜物柞栗之屬今世謂柞實為阜斗釋木櫟其實林孫炎曰櫟實櫟也郭璞曰有林實自裏馥案詩大田既方既阜箋訓方為房房謂林也阜即此草詩鴉羽集于苞栩傳云栩柞也陸疏今柞櫟也徐州人謂櫟為柞或謂之為栩其子為阜或言阜斗其殼為汁可以染阜藝文類聚引詩舊疏云柞今柞殼為斗可以染阜今俗及河內云柞斗或曰櫟斗本草櫟實其殼并堪染用一名柞斗榘櫟皆有斗以櫟為勝圖經云櫟實櫟木子也木高二三丈三四月開黃花八九月結實其實為阜斗一日象斗子者玉篇引作槎斗無子字徐錯本亦無案玉篇槎櫟實也櫟同上是櫟為槎之俗體寫者從俗作櫟校者因本書無櫟字改作象本書槎櫟

實榘柔也其實阜一日槎諸書或作櫟或作象竟無槎字甚矣順非者多也小爾雅柞之實謂之櫟周禮敘官掌染草注云染草藍蒨象斗之屬齊民要術今人呼柞為櫟子儉歲可食豐年牧猪致肥列子說符篇冬則會櫟栗注云音象東觀漢記滔于恭有山田櫟樹人有盜取者助為收拾既乃知是蒸櫟盜者還櫟後漢書李恂傳拾櫟實以自資注云櫟櫟實也晉庾亮與邑人之山拾櫟分夷險序長幼梁書安成康王秀傳櫟飯菁羹孔衍在籟記彭城王送櫟飯十斛 昂聲者釋名阜早也日未出時早起視物皆黑此色如之也

𦉳 𦉳蒸也從艸取聲一日藟也側鳩切

本書櫟蒸也 熛然麻蒸也 熛蒸也者本書蒸析麻中餘也韻會引徐錯本作麻五音集韻散作籟麻幹也徐錯韻譜散麻莖本書廢麻藟也管子地員篇麻之細者如蒸文選西征賦咸市閭之鼓并李善注引本書同又云散井即渭城賣麻蒸之市也 一日藟也者本書藟族也藟行藟藟廣雅藟謂之藟

積也者本書積聚也廣雅蓄聚也或省作畜內則子婦無私畜月令趣民收斂務畜菜或作稽隸釋衡立碑無僭石

之

推也從艸從日艸春時生也屯聲

釋名春蠢也動而生也 春秋說題辭春蠢也蠢興也 鄉飲酒義春之為言蠢也 白虎通春之為言僣僣動也 三統歷春為陽中萬物以生 隱元年公羊傳春者何歲之始也何云春者天地開闢之端養生之首法象所出四時本名也

推也者五經通義冬至陽動於下推陰而上之故大寒於上夏至陰動於下推陽而上之故大熱於上故易云日月運行一寒一暑春秋元命苞春者神明推移精華結紐宋均注云神明猶陰陽相推使物精華結成紐要也釋名出推也尚書大傳何以謂之春春出也物之出也廣雅載出也本書出象草木益上出達也玉篇春蠢也萬物蠢動而

出也考工記注蠢作也出也春讀為蠢 艸春時生也者尸子春動也是故鳥獸孕葶草木華生萬物咸遂 屯聲者徐錯曰屯草生之難也故云亦聲馥謂不應有亦字

艸多兒從艸狐聲江夏平春有菘亭 古狐切

玉篇無此文本書菘義同當因形誤又出此字

艸木倒從艸到聲 都盜切

艸木倒者後人亂之廣韻爾雅釋文並引作艸大也本書菘訓艸大蓋葑譌作菘此葑篆文不誤而訓謬

文四百四十五 重三十一

陳艸復生也從艸辱聲一曰蒞也凡葍之屬皆從葍

而蜀切

三蒼葍薦也 宣十二年左傳軍行右轅左追葍杜云在左者追來草葍為宿備正義云葍謂臥止之草故云為宿衛也

艸部

韓非內儲說縣令有發蓐而席弊甚國策願得以身試
黃泉蓐蝮蟻延篤論為王作蓐以御蝮蟻後漢書段熲
傳未嘗一日蓐寢注云郭璞曰蓐席也又趙岐傳臥蓐七年
注云蓐寢蓐也替類曰蓐薦也高士傳焦先臥不設席又
無草蓐阿含經沙門皆草蓐為牀釋器蓐謂之茲郭云
公羊傳曰屬負茲茲者蓐席也馥案周禮甸師掌養馬春除
蓐鬻殿鄭注蓐馬茲也史記周本紀衛康叔封布茲徐廣曰
茲者藉席之名齊太公世家衛康叔布采席索隱云茲是席
陳艸復生也者王觀國日月令秋曰其神蓐收者方秋時
草已陳而收斂一日族也者本書族行蠶蓐敢蓐也

籀文蓐從艸

拔去田艸也從蓐好省替呼毛切

拔去田艸也者徐錯本無去字玉篇釋文五經文字並無
一切經音義十一引作除田艸本書耨蓐器也周禮甸師
掌帥其屬而耕耨王藉注云耨芸芋也周書大
開武解若農之服田務耕而不耨維草其宅之

籀文蓐省

籀文蓐省者當為古文前言左文五
十三大篆從艸蓐從艸故知非籀文

蓐或從休詩曰既秣茶蓐

詩曰既秣茶蓐者周頌良耜文彼作以蓐茶蓐郭注釋草
引詩以秣滌蓐本書引漢律引漢律田秣艸字或作秣廣雅
秣除也又省作休說苑政理篇
吾入其境田畝荒穢而不休

文二 重三

艸艸也從四屮凡艸之屬皆從艸讀與冈同

艸艸也者經典借莽字玉篇丰艸莽也案本書丰艸蔡也
象艸生之散亂也馥謂眾亦散亂意小爾雅蕪草也方
言莽草也南楚曰莽楚詞九章滔滔孟夏兮草木莽莽哀
元年左傳暴骨如莽注云草之生於廣野莽然故曰草
莽孟子在野曰草莽之臣莊子莽蒼之野離騷夕攬中州
之宿莽注云草冬生不凋者楚人名之曰宿莽淮南秦族
訓倉莽飲水高注莽艸也謝靈運賦被宿莽以迷徑江總
詩閉階薙宿莽讀與冈同者本草莽草一名茵草一切

經音義七茵藥正言艸草有毒出幽州人或
持和倉置水中魚皆死浮出取倉之無妨也

𦉳

日且冥也從日在艸中

慕各切

莫故切又

詩雲漢方社不莫釋文云莫本亦作暮 襄十一年左傳其
莫晉荀懿至於西郊定十四年傳吾亦莫矣 文王世子及
莫又至注云莫夕也 尚書大傳晉平公問於師曠曰吾年
七十欲學思已莫 史記伍子胥傳吾日莫途遠 漢舊儀
黃門日莫入對青瑣門名曰
夕郎 文選七發烟雲闇莫
日且冥也者纂要曰將落日薄暮案且冥將冥也詩曠其
脩矣傳云脩且乾也淮南秦族訓故天之且風草木未動
而鳥已翔矣且雨也陰曠未集而魚已噏矣秦策三國
且去又城且拔矣又甘茂秦且之齊高誘並云且將也
漢書張延壽傳且成分施宗族故舊顏注言將死之時多
以財分施也宋書柳元景傳日且暮賊於是奔退廣雅將
且也詩方將萬舞將恐將懼鄭箋皆訓且月令數將幾終
歲且更始京房易妖魚在水飛入道路兵且作漢書平帝
元始四年東風吹屋瓦且盡邱希範有且發漁浦潭詩
從日在艸中者徐錯本下有艸亦替三字九經字樣同馥

案艸古讀滿補切與莫替相近又從本部得
替故日艸亦替徐鉉不解削去三字非是

𦉳

南昌謂犬善逐兔艸中為莽從犬從艸艸亦聲

謀朗切

艸亦替者艸莽古皆
讀如媽鉅鉅即鉅鉷

𦉳

藏也從人在艸中一其中所以薦之易曰古之葬者

厚衣之以薪則浪切

藏也者本書無藏字艸藏替近釋名葬藏也白虎通葬之
為言下藏也檀弓葬也者藏也藏也者欲人之不得見也
春秋說題辭葬屍下藏也人生於陰含陽光人地歸于
陰也大戴禮保傅篇身死不葬盧注葬之為言藏也呂氏
春秋節喪篇葬也者藏也葬不可不藏也葬淺則孤狸相
之深則及於水泉論衡議日篇夫葬藏棺也斂藏尸也初
斂但即土埋藏而巳北史高允傳葬者藏也藏者不可再
見故深藏之禮運故天望而地藏也注云地藏為葬楚國
先賢傳韓暨臨終遺言日斂以時服葬以土藏兩京記豐

元之葬之義登

音

都市掘得古塚土藏無博管趙岐別傳將卒先為壽藏魏
武遺令吾衣裳可為一藏歷官所著緩內藏中皇覽冢墓
記收羊兒凶羊羊入始皇藏中述征記梁孝王塚行一里
到藏中晉武帝賜劉廙葬錢詔曰賜錢給作藏人功王隱
晉書幽州謠曰幽州城門似藏戶中有伏屍王彭祖
其中所以薦之者徐錯本下有淵亦營三字 易曰古之
葬者厚衣之以
薪者繫辭文

文四

